

Segun prome minister no tin otro opcion na Aruba cu no ta privatiza RWZI



Pagina 3

- **Meteo Aruba ta alerta tocante temperatura halto**

Pagina 2

- **Centro Famia di Criansa Arubano a cumpli 20 aña di existencia**

Pagina 4

- **Wardacosta ta rescata dos persona riba lama**

Pagina 9

Compania Arubano di petroleo a firma contrato cu Andicuri Oil & Gas Exploration VBA



Pagina 6

No tin placa pa cuminda gratis na scol den acuerdo di coalicion nobo na Hulanda



Pagina 8

Claudia Sheinbaum ta e prome muhe presidente di Mexico



Pagina 10

Vuelo directo di Brazil pa Aruba:

Mercado Brasileiro ta un di mercadonan top na Aruba

Durante un conferencia di prensa ayera mainta na Aeropuerto Internacional Rei Beatrix, minister di Salud y Turismo, Dangui Oduber, hunto cu CEO di Aruba Tourism Authority (ATA), Ronella Croes y Jo-Anne Arends di Aruba Airport Authority (AAA), a anuncia cu pronto Aruba lo wordo conecta directamente cu Sao Paulo, Brazil, a traves di un vuelo directo cu e aerolinea Gol.

Despues di mas di dos decada Aruba ta bay tin un vuelo directo for di Sao Paulo, Brazil. Esaki ta den cuadro cu e maneho di no solamente Gobierno di Aruba, pero tambe di ATA y AAA cu ta enfoca den sigui expande e mercado di Latino America, cual ya caba a crece cu mas di 20% den 2023.

Arends di AAA a splica cu e aerolinea no lo enfoca solamente ariba e parti di mercado Brasileiro, pero tin oportunidadnan pa ofrece conex-



ion cu otro aerolinean y otro paisnan, entre otro Buenos Aires, Argentina. Aki ta premira cu 25% di e trafico di vuelo lo bin for di Argentina, 60% for di Sao Paulo, 13% di Rio de Janeiro y despues lo expande e conexionnan pa otro ciudad- y paisnan.

Croes di ATA a remarca cu e mercado aki ta importante pasobra e patronchi di gasto di Brasileronan tambe ta hopi atractivo, den contexto di turismo di calidad y con nan ta midi esaki.

El a splica cu nan ta midi di

un banda, unda cu tin datos disponible, kico e hende su entrada anual ta, aunke esey no kiermen cu nan ta esunnan cu ta gasta mas, pero nan ta midi tambe na Aruba pa medio di uso di credit card, entre otro, kico nan ta laga atras.

Croes a indica cu si mira e datonan historico, Brazil ta un mercado top y semper tabata den e top di esnan cu ta gasta mas. Tambe mirando e cifranan di uso di credit card di aña pasa, el a remarca, por mira cu Brazil a destaca.

El a agrega cu e parti di Argentina ta keda hopi importante tambe pasobra e turistanan Argentina ta esnan cu ta keda promedio mas largo na Aruba y esey ta hacie atractivo cu nan ta laga mas atras pasobra simplemente nan tin un averahe di estadia mas largo. Apart di esey, el a indica, cu nan ta scoge hotel y no all-inclusive necesariamente.

“Asina nos ta midi cada mercado y nan contribucion, entre otro, y nan patronchi di gasto tambe ta atractivo,” el a resalta.

E prome vuelo directo for di Sao Paulo pa Aruba lo ta riba dia 18 di december di e aña aki.

Meteo Aruba ta alerta tocante temperatura halto den proximo dianan

Mediante un comunicado di ayera merdia di Meteo Aruba ta pidi na comunidad pa tene na cuenta cu e weather den proximo 24 y 36 ora.

Debi na un pasada di un ola tropical di ayera, biento ta bay ta zwak te modera y direccion zuidoost pa zuid pa proximo 24-36ora.

Cu esaki nan ta pronostica temperatura di 34°C-35°C y den luganan urbano kisas un poco mas halto. Esaki ta pone cu heat index lo ta halto tambe entre 36°C y 40°C y por causa molester pa hende y specialmente hende grandi.

For di luna di mei ya caba diferente medionan di comunicacion internacional ta batiendo alarma pa un ola di calor cu ta tumando luga den area di Caribe caminda e sensacion di calor por yega hasta 50 grado loke por resulta peligroso pa personanan cu ta traha of haci actividadnan den aire liber.

Pa esaki, Gobierno di Aruba, especificamente minister di Naturalesa Ursell Arends



tambe a manda un comunicado di prensa na mei ultimo dirigi pa adultonan mayor indicando cu ola di calor ta peligroso pa adultonan mayor y “como minister di Naturalesa mi ta sali for di e punto di bista cu cambio climatico ta un realidad,” minister Arends a bisa, indicando cu Nacionnan Uni a confirma cu 2023 a kibra tur record mundial pa loke ta temperatura

halto, no obstante cu 2023 a cumpli 10 aña consecutivo di aumento di temperatura.

Aunke gobierno no por trece cambio den temperatura mundial, mester haci tur esfuerso pa mitiga e impacto di esaki riba esnan mas vulnerabel. Pa e motibo aki minister Arends a yama un reunion di urgencia cu diferente instancia cu ta atende di un of otro

forma cu adultonan mayor.

Segun a informa, e meta di e reunion tabata pa nan hunto cu tur instancia yega na un plan di accion y cooperacion. “Tur esnan cu ta atende cu adultonan mayor mester traha hunto pa evalua e peligro y prepara un plan con pa mitiga esaki.”

Investigando riba internet a

logra haya datonan cu ta indica cu entre 1999 y 2019, mas di 150.000 morto rond mundo tabata relaciona cu ola di calor cada aña, segun un estudio reciente publica na PLOS Medicine di Yuming Guo di Universidad di Monash, Australia, y su ekipo.

Den studio aki, investigadonan a utiliza datonan di e Red di Investigacion Colaborativo Multi-Country Multi-City (MCC) cu tabata inclui mortonan y temperatura diario di 750 luga na 43 pais.

Durante temporada calido for di aña 1990 te cu 2019, exceso di fayecidonan relaciona cu ola di calor a representa 153.078 morto pa aña, un total di 236 morto pa cada dies bion habitante of e 1% di e mortonan mundial.

Like us on Facebook



facebook.com/bondianoticia

Segun prome minister, no tin otro opcion na Aruba cu no ta privatisa RWZI

Ayera mainta durante un conferencia di prensa di gobierno, prome minister Evelyn Wever-Croes, a trece dilanti e tema di RWZI. Manera ta conoci siman pasa diahuebs Parlamento di Aruba a aproba e ley di privatisacion di e plantanan di RWZI y segun prome minister no tin otro opcion pa solucion e problema aki no ta privatisa RWZI.

Prome minister a remarca cu e problema di e planta di RWZI, especificamente esun na Bubali, ta un problema serio, te cu hasta na cierto momento e planta a yega na e punto di casi explota, pero a haci e inversionnan necesario pa evita esey sucede. Aworaki, gobierno ta mira e privatisacion como e unico solucion structural pa solucionar e problema.

E mandatario a splica cu tempo cu a forma Gabinete Wever-Croes II minister Ursell Arends a pidi pa e haya un rol importante den e buskeda di un solucion pa RWZI y como minister encarga cu naturalesa y tambe desperdicio, esey tabata su responsabilidad.

El a indica cu minister Arends a cuminsa busca con por yega na solucionnan y a purba diferente manera, entre otro a yega di ubica fondo den presupuesto pa gobierno mes haci un inversion di 16 milyon florin, cu apenas tabata suficiente pa drecha algun cos solamente, pero esey por a tuma luga pasobra CAft a pone presion cu mester a baha e deficit na aña 2022.

Unabes cu gobierno a explora tur opcion y a exclui tur otro solucion, a yega na e conclusion cu mester privatisa e plantanan pasobra gobierno no tin e posibilidad pa duna un compromiso structural di tempo largo pa por percura cu ta inverti den e planta. Asina e yega na e decision pa privatisa.

Prome minister a indica cu esey tabata e prome decision y despues e ora mester a dicidi con y den man di ken lo traspasa e planta. Eynan ta caminda cu minister Glenbert Croes a drenta y a haci apelacion cerca dje pa yuda cu e privatisacion a traves di e companianan estatal y asina a yega na Utilities Aruba NV, cu a acepta e reto pa tuma



over e planta di gobierno pa solucion e problema y eventualmente construi un planta nobo cu un capacidad mas grandi.

E mandatario a sigui splica cu nan lanta un grupo di trabao cu ta consisti di representantenan di e tres ministerionan. Di parti di prome minister a apunta DOW y DWJZ den e grupo aki, di parti di ministerio di minister Glenbert Croes a apunta Utilities Aruba NV y di parti di minister Ursell Arends a nombra Sr. Josy Figaroa, ken ta un pensionado, pero ta un ciudadano preocupa pa e estado di e planta di RWZI y a dicidi di tuma e reto aki tambe den su man.

Siman pasa diahuebs durante tratamiento di e ley e grupo di trabao aki a presenta e resultadonan final.

“Mucho of otro opcion no tin. No tin otro opcion na Aruba. Nos a purba di tur manera. Nos a purba di keda cune y dreh’e nos mes, no a logra. Nos a logra di privatisa, pero tin cu privatis’e den mannan semi-publico no completamente priva, pa bo tin un poco mas control, y e ora nos a yega na e solucion aki,” prome minister a resalta.

El a indica cu e ley ta bay drenta na vigor dia 1 di juli y manera ya caba ta conoci, gobierno a dicidi cu pa cubri e gastonan di e trabaonan cu

tin cu wordo haci no ta bay pone un impuesto adicional riba e pueblo di Aruba, pero a scoge pa e impuesto wordo paga solamente pa turistanan. Esaki ta bira un cobranza cu turistanan mester paga ora nan yena e ED card pa drenta Aruba.

El a menciona cu Boneiro tin algo similar, pero e ta costa 75 dollar, mientras cu di Aruba ta 20 dollar aworaki y tin algun excepcion. Por ehempel, muchanan bao 8 aña, localnan y esnan cu ta biba na Aruba no mester paga esaki. Ademas bishitantenan cu ta bishita Aruba varios biaha pa aña no mester paga ya cu e 20 dollar ta conta pa henter un aña.

E mandatario a indica cu durante e tratamento den parlamento fraccion RAIZ y MEP a trece un amienda den e ley cual ta pa pone excepcion tambe pa ciudadanonan di Aruba cu ta studia den exterior y kier bishita Aruba of ta bin back Aruba.

El a splica cu e inversionnan cu Utilities Aruba NV ta bay haci ta bay a traves di un compania nobo cu nan incorpora pa esaki, Aruba Wastewater Sustainable Solutions (AWSS). El a sigui splica cu e solucionnan cu nan tin prepara ya caba tin liña di credito pa nan y cu nan ta bay trece alivio riba termino cortico, alivio di holor y alivio di procesamiento. El a agrega cu e

procesamento di awa lo bay manera mester ta y e calidad di awa lo ta miho y cu esey por haci mas cos cu e awa, por ehemplo usa esaki pa agricultura.

El a resalta cu tur esaki ta tuma luga mientras cu ta traha un planta nobo cu tin un capacidad di casi 4 biaha mas grandi cu e planta cu tin actualmente.

Pa loko ta trata oposicion, e prome minister a lamenta cu oposicion no a sostene e ley aki y ademas nan tabatin ningun argumento convincente di nan parti pa a keda sin sostene e ley.

Prome minister a trece dilanti tambe e situacion cu a sucede den sala di parlamento, y pafu di parlamento relaciona cu e acusacionnan cu parlamentario independiente Gerlien Croes a haci contra su persona y su famia.

“Durante tratamento y pafu di parlamento e parlamentario a lansa acusacionnan hopi serio, den cual el a ataca e profesionalismo y credibilidad di nos profesionalnan y gobierno. Segun e parlamentario RWZI ta wordo privatisa pa enrikece e prome minister y cu esey e parlamentario kiermen cu tur e profesionalnan cu tabata den sala, unico cos cu nan a haci ta traha pa enrikece e prome minister di Aruba. Esaki na prome luga ta un mentira, e no ta berdad, e

no por a prueba esey tampoco. Pero mas tristo ta cu e ta un ofensa pa nos profesionalnan,” el a indica.

E mandatario a reacciona mesora y den parlamento a pidi e parlamentario pa rectifica loko el a bisa, cual e parlamentario a haci e mesun dia den sala di parlamento.

Prome minister a cu aunke el a haya rectificacion inmediatamente, tin un aspecto penal ainda cu ta smaad en laster (difamacion y ofensa/insulto) cu e mandatario ta bisa su disculpa y rectificacion no a coregi completamente.

El a indica cu su abogadonan ta trahando riba e transcripcionnan y cu unabes esakinan keda cla, nan ta entrega e keho aki formalmente na OM.



Centro Famia di Criansa Arubano a cumpli 20 aña di existencia yudando e muchanan mas vulnerabel

Ayera tabata un dia masha special pa Centro Famia di Criansa Arubano, e unico instancia cu ta maneja cuido di criansa na Aruba a celebra nan 20 aña di existencia na unda nan a splica cu nan tin mester di famianan di criansa y esey ta keda un di nan principal reto.

Pa esaki, Nathalie Tromp trahado social di Centro Famia di Criansa Arubano a splica cu e tin 16 aña trahando den instancia aki y nan ta contento cu den e 20 aki nan ta bezig pa haya famianan di criansa, “desde pandemia di Covid-19 e parti di haya famia di criansa a bira un tiki mas dificil na unda cu por ta antes tabatin dificultad pa haya famia di criansa pa muchanan riba 8 y 9 aña pero awor e edad a baha te cu 5 of 6 aña, den edadnan aki nos ta haya dificil pa haya un famia di criansa pa nan,” Tromp a sigura.

Pa e motibo ey, nan ta considera e trabou di prensa importante pa asina ey e informacion por yega na comunidad y nan por haya famianan di criansa.

Pa aña nan ta busca entre 10 cu 12 famia pa muchanan entre 0 te cu 18 aña, e rol di un famia di criansa ta pa yuda un mucha di un manera temporal, pa duna e cuido cu muchanan no por haya di nan mesun famia mientras cu e mayornan di e instancianan concerni ta haya e ayudo cu nan tin mester pa nan situacion drecha, mientras tanto, e famia di criansa ta brinda e mucha estabilidad, seguridad, atencion, amor y tur lo cual e mucha tin mester cu un internado no por ofrece.

Ora un famia di criansa y un mucha ta adapta na otro esey ta algo natural manera Tromp a sigura, un famia di criansa ta haya preparacion den un principio cu no tin garantia, loke ta nifica cu e chens t'ey cu e dia di mañan e mucha lo regresa na su mayor back y esey a nan como instancia no tine den nan man “pero semper nos ta bisa e famia di criansa si cu nos ta informa nan di cada paso cu ta sucede, si esey ta pasa e famia di criansa ta haya preparacion y guia na esaki.”

Hopi hende ta acerca na nan pa puntra si nan por adopta



un mucha, pa esaki, Tromp a expresa cu cuido di criansa no ta adopcion, e ta trata di un ayudo temporal na unda cu ta traha pa e mucha por ser reunifica cu su mayornan biologico back.

E intencion no ta sali for di e punto di bista cu e mucha ta keda cu e famia di criansa, den caso di adopcion ta otro, e ora ey e famia cu ta adopta e mucha ta bira su mayornan legalmente y e mucha ta bira un parti di e famia pa semper.

Nan tambe ta tene na cuenta cu e mucha su emocionnan, por ehemplo nan no ta pone un mucha bao encargo di cu alquier famia, e ta implica un

proceso cu ta tuma su tempo, famia ta bay internado pa conoce e mucha y asina ey cuminsa crea un conexcion cu e mucha prome y despues ta sali cu nan y pasa e dia loke ta keda hisa e tempo cu e famia ta pasa cu e mucha.

Di 10 mucha, 3 di nan ta bay cerca nan mayor back pa motibo cu e mayoria di nan ta keda cu e famia di criansa. Nan tin contacto cu famianan cu a yega di bira famia di criansa for di momento cu Centro Famia di Criansa Arubano a cuminsa te cu awor, nan ta sigui papia cu e muchanan cu a bira grandi y nan ta den famia di criansa ainda y con nan bida a sigui

“por ta un of dos di nan no tabata un success story, tabata un love story, ora bo ta tende con e muchanan ey a sigui den famia di criansa y nan tin contacto cu nan mayor tambe, esey pa nos ta algo hopi importante.”

E problematica ta varios, tin di nan cu tin problema financiero, adiccion, relacion, social, door di nivel di inteligencia cu ta pone cu ta dificil pa nan cuida nan mesun yiu segun Tromp a señala. Centro Famia di Criansa Arubano ta traha conhuntamente cu otro departamentonan vooral cu Fundacion Guia Mi y cu Directie Voogdijraad Aruba.

Di su parti, Anneke Nicolaas cu ta director di Centro Famia di Criansa Arubano y Fundacion Guia Mi a bisa cu 20 aña pasa e tabatin e vision di lanta e fundacion aki hunto cu seis organisacion mas como Imeldahof, Casa Cuna, entre otro, pa motibo cu nan tabata buscando famianan pa nan mes pero e preparacion y guia tabata varia hopi y na hunto a purba pa traha den un organisacion y esey a bira Centro Famia di Criansa Arubano.

Nicolaas a comenta cu den ultimo 20 aña nan a logra yuda hopi famia na Aruba y “esey ta algo hopi bunita y nos mester sigui busca famianan, pero esey ta keda un reto vooral pa e muchanan mas grandi, pa hopi biha e babynan ta logra pero muchanan mas grandi ta mas dificil y nos ta kere cu nan tambe mester di un hogar y amor di un famia.”

Pero problemanan social ta permanece segun cifranan di aña 2023 y nan mester sigui cu e trabou di por haya famianan di criansa pa e muchanan cu tin mester di dje.

“Nos tambe mester ayudo di comunidad, pa nos tur traha hunto y soluciona, pasobra tin hopi problema na Aruba y mi ta kere nos tin cu traha hunto pa soluciona e problemanan aki,” Nicolaas a afirma.

Centro Famia di Criansa Arubano tin nan criterio na e ora di busca personanan of famianan cu kier aplica pa famia di criansa, nan tin cu pasa un proceso di screening y cumpli cu e siguiente rekisito: Nan mester ta riba 21 aña di edad, mester biba na Aruba, tin un bida familiar stabiel, no a yega di comete un delito, no ta importa nan situacion sentimental of si tin yiu of no, esey ta depende di ki matching e tin mester pa cu e mucha. Ta importante pa ta habri pa guia, habri pa tin contacto cu trahado social y pa tin contacto cu e mayor biologico.

Ayera mainta nan a tene un celebracion chikito pa nan 20 aña di existencia y den esaki, nan a duna un regalo na Sr. Robert y Sra. Samantha v/d Kamp cu a ser scogi como famia di criansa di aña.

Editor

Caribbean Speed Printers N.V.
Aruba Bank N.V. Acc. #332668
Caribbean Mercantile Bank N.V.
Acc. #23951903
RBC Royal Bank Acc. #13307728

Operations Manager

Mariette Engelhart

Redaccion

noticia@bondia.com

Pilar Flores (hefe di redaccion)

Angenette Figueero (closer editor)

Leo Maduro

Andreina Morillo

Raisa Montilla

Oriana Geerman

Ehecutivo di Benta

sulaika.croes@cspnv.com

Sulaika Croes

Aviso y Arte

Sandra Loefstop

Lisa Tromp

Departamento Digital

Juan Luis Pinto

Administracion

accounting@bondia.com

Martha Arteta de Ariza

Distribucion

Jenny Kelly

Coleccion

Evelinda de Cuba - Tromp

Pre Press

Luis Fernando Arenas (Hefe)

Pablo Libre

Press

Roland Schenker (Hefe)

Omar Ramirez

Martin Boekhoudt

Francis Dirksz

Colaboracion

Associated Press

Ret Karibense

Data Key

Afiliacion

Sociedad Interamericana
di Prensa (SIP)

DIRECCION

Adres: Weststraat #22

Tel: 582-7800

Email: noticia@bondia.com

aviso@bondia.com

info@bondia.com

Website: www.bondia.com

Facebook: @bondianoticia

Instagram: bondiaaruba

BON DIA ARUBA ta un corant
redacta y imprimi na Aruba y ta
obenibel di dialuna te cu diasabra.
Ningun contenido por wordo reproduci
sin permiso di editor.



Editorial

Den mehora aparato publico... Gobierno no conoce prioridad...

Actualmente a aparece den publicidad varios caso di pregunta haci pa parlamentario, y den cierto caso e contesta di ministro riba e preguntanan. Esaki a bay acompaña pa critica di e parlamentarionan opositor contra, segun nan opinion, funcionamiento inadecuado di cierto departamento/tarea gubernamental. Den e casonan aki ta trata di problema cu tin varios aña caba someti na critica constante y unda no ta mira mehoracion, pasobra gobi-erno aparentemente no conoce kico ta prioridad.

Un di e casonan ta trata di e trayecto di elaboracion y procesamento di cuenta anual di gobierno di Aruba, unda tin un atraso grandi; e ultimo cuenta anual entrega y aproba pa parlamento ta esun di 2018. Algun tempo pasa a entrega cuenta anual di 2019 na Contraloria General cu ta trahando riba nan informe pa parlamento. Ministro encarga cu finanzas y responsable pa percura pa e cuentanan anual sali na tempo, a compromete pa percura pa un trayecto acelera pa elimina e retraso cu a acumula. Aparentemente esey no ta logrando, ya cu e mandatario ta referi, no pa promer biaha, na e falta di personal adecuado na departamento di finanzas pa por logra loke a priminti.

Nos no tin ningun dificultad pa kere cu esey ta veridico, pero hecho ta cu nos tin añanan largo ta scucha e disco raya aki; hasta di antes cu e gobi-erno aki, y e ministro aki, a asumi responsabilidad gubernamental na 2017. Claro cu nos ta bin topa cu henter e litania di keho y motibo pakico no a logra, di falta di recurso financiero, falta di disponibilidad di personal cu educacion apropiada, te na Covid-19.

Sin embargo tin algo cu nos no por comprende: si den e colaboracion cu Hulanda, expresa cada tres luna den e diferente versionnan di e reportahe encuanto e 'Landspakket', mehoracion di e procesonan administrativo-financiero tin un prioridad halto, locual tur hende cu un conocimiento minimo di funcionamiento gubernamental lo apoya sin mas, pakico despues di siete aña den gobierno, y bayendo pa cuatro den e colaboracion cu Hulanda, ainda no tin solucion na horizonte pa e problemanan aki. Y si no tin solucion pa e problemanan clave aki, defini hunto cu Hulanda como prioritario, ta ki dia lo bay atende e mil otro problemanan existente den e aparato?

Pa colmo, e problema señala, manera e falta di personal necesario, ta toca tambe e otro entidadnan den e proceso di control y auditoria gubernamental, manera Centrale Accountantsdienst y Contraloria General (Algemene Rekenkamer; ARA). Den caso di e ultimo aki ademá ta trata di e necesidad di tira un debido vista riba henter operacion di e entidad, cu segun nan propio opinion ta demasiado depen-

diente di gobierno pa resolve nan problemanan. No ta trata solamente di reclutamento di personal, sino tambe di un revision completo di e ordenanza encuanto contraloria general, e ley cu ta regla funcionamiento di e organismo. Ta indispensable cu e organismo, hunto cu otro alto colegio di estado manera Staten, y den futuro posiblemente tambe e instituto Ombudsman, ta haya un posicion mas independiente di gobierno checutivo, y esey no solamente den sentido financiero. Den e lentitud cu cual ta atende e asuntonan aki nos ta premira cu ta bay tarda por lo menos un decada completo mas pa mira resultado, si na caminda e responsablenan politico no desisti y djis lubida henter e proyecto.

E otro caso actual ta e situacion na Dimas, unda un parlamentario a haci pregunta critico tocante funcionamiento di e departamento, unda ta atende poco ciudadano via cita tur dia. Realmente a toca aki un problema cronico cu ta data di tres decada pasa. En principio ta bastante facil pa determina cuanto personal mester pa atende publico, conociendo e cantidad di peticion pa permiso cu mester procesa anualmente, y cuanto tempo e averahe ta cu mester dedica na cada caso. Den e sentido aki ta parece nos cu den e situacion actual caba 20 cita pa mainta ta demasiado poco y continuamente lo causa 'backlog' den e proceso. Esey lo haci cu no lo por cumpli cu e maximo di seis siman pa procesa un peticion, manera e departamento mester en vista di posible obhecion. E interrogante adicional dentro di poco ta: con e departamento ta bay maneja un grupo mas grandi ainda, mirando e perspectiva cu e propio mandatario a señala, di e grupo extra cu lo mester drenta Aruba pa satisfice e demanda cu apertura di e hotelnan nobo lo ocasiona.

Ta di comprende cu e ministronan involucra lo no ta asina contento cu e critica di e parlamentarionan, pero mester considera cu esaki ta nan tarea. Es mas, nos critica en general ta cu parlamentarionan no ta profundiza suficientemente den funcionamiento di gobernacion na e nivel aki. Falta critica tambe den por ehemplo e anuncio di un aumento sustancial di salario 'across the board' den gobernacion, cu lo por yega na Afl. 70 miyon extra riba presupuesto. Awor e mesun gobierno aki ta keha cu no tin placa pa paga e expertonan cu mester, entre otro riba e terenonan cu nan mes a establece y palabra como prioridad cu Hulanda? Claro cu nos ta comprende, pero no necesariamente ta di acuerdo, cu e aumento general di salario ta un 'move' politico, cu eleccion na caminda. Sin embargo, no por usa esey como pretexto pa no planifica e debido incorporacion di personal specializa, cu e aparato publico mester tur caminda. E reduccion di personal tabatin como meta crea espacio financiero pa e personal adecuado necesario. Hincá tur e placa den tene tur ambtenaar contento, ta ilustra cu e gobierno aki no conoce su prioridadnan...

Compania Arubano di petroleo a firma contrato cu Andicuri Oil & Gas Exploration VBA

Diabierna ultimo, Prome Minister Evelyn Wever-Croes tabata presente na e ceremonia di firmamento di e contrato entre Compania Arubano di Petroleo (CAP) cu Andicuri Oil & Gas Exploration VBA (AOGX), cu ta un subsidiario local di Armstrong International LLC ("AI"), pa e exploracion, desaroyo y produccion di hidrocarburos den e area maritimo di Aruba.



Den un comunicado di prensa, prome Minister a splica cu e compania Armstrong tin un historia excepcional den exploracion y a yega di descubri varios campo di petroleo enorme den pasado. E compania ya caba a haci hopi investigacion y a yega na e conclusion cu tin hopi cos di petroleo y gas rond di Aruba cu nan ta haya hopi interesante. Tambe, riba nan propio cuenta, a haci tur e inversion necesario pa haya tur e datos pa haci investigacion. Pa e siguiente 18 lunanan nan ta bay busca mas datos, mas informacion, y cuminsa bora pa wak si nan por haya algo den e awanan teritorial di Aruba. Si nan logra haya, nan lo bay over na explora y saca e gas y petroleo, pa asina nan cuminsa proces'e y bende, cual lo ta un entrada hopi grandi pa pais Aruba.

Prome Minister a indica cu e acuerdo aki ta uno hopi importante, pasobra e ta diversifica e economia, mirando cu Aruba no por keda depende solamente riba turismo. Gobierno ta haciendo nan maximo esfuerso pa Aruba ta mas fuerte y resiliente, y un stap importante ta pa diversifica e economia, y den e area di energia lo por logra esaki.

Segun un comunicado di gobierno, e contrato aki no tin niun gasto pa Gobierno, pero e compania Andicuri si ta bay paga belasting, y un suma anual di 375 mil dolar na e compania Arubano di petroleo, cu ta un compania estatal pa asina nan por haci exploracion den e 18 lunanan nos dilanti.

"Mi mester bisa cu nos ta cautelosamente optimista

mirando cu anteriormente ya a purba caba di busca gas y petroleo, pero no a haya nada. Aruba no tin nada di perde cu purba un biaha mas, mirando cu e compania aki ta pensa cu si tin, y lo busca esaki riba nan propio gastonan. Si logra haya gas y petroleo, Aruba lo tin un pilar economico nobo cu lo crea mas cupo di empleo, specialmente pa nos hobennan cu ta studiando den e ramo aki. Tambe e lo ta un entrada pa gobierno, haciendo Aruba hopi mas stabiel financieramente y economicamente

Mi kier gradici Minister Glenbert Croes, pa su vision, determinacion y empeño, compania Arubano di Petroleo, y na señor Armstrong di Armstrong International LLC ("AI"), pa kere den Aruba" Prome Minister a expresa.

Consideracion ambiental

Algo cu no a keda menciona den e comunicado di prensa ta e potencial impacto ambiental di exploracion di gas den awa teritorial. Den añanan recién, por nota entre comunidad local un interes cada bes mas grandi pa proteccion di medio ambiente y naturalesa, cu ta impulsando cambio den e manera cu Aruba ta desaroya su teritorio.

A pesar di e potencial beneficio economico cu por bin cu exploracion di gas – si haya gas na final, e riesgo den cual ta pone medio ambiente ta enorme. Segun WWF, "extraccion di depositonan di gas y azeta por resulta den daño duradero pa medio ambiente. Especificamente, exploracion y desaroyo di gas ta causa interrupcion di rutan migratorio, degradacion di habitatnan

animal importante, y derame di azeta – cu por ta devastador pa e animal y humanonan cu ta depende riba e ecosistemanan aki.

Entre e consecuencianan negativo cu exploracion di gas por causa, WWF ta resalta contaminacion, zonido den lama, degradacion y destruccion di habitat, y interferencia cu formanan di vida di subsistencia.

Operacionnan di gas ta libera tonnan di contaminante dañino den aire y ta basha kimico peligroso den lama, degradando e awa y are limpi riba cual bestia y hende ta depende pa sobrevivi. Bayena y otro animal marino ta usa zonido pa nabega, haya pareha y cuminda den e awanan hopi biaha scur di ocean. Zonido sismico, manera e air gun usa pa companianan di gas pa explora offshore, por laga e especienan aki sordo. Zonido excesivo den ocean for di boramento y exploracion di gas por causa lesion, confusion y hasta morto di animalnan.

Ademas, e caminda, tuberia y otro facilidadnan construi pa e companianan pa sostene infraestructura por degrada y destrui habitat importante y interfeiri cu movimiento di animalnan migratorio.

Ceremonia di traspaso oficial di edificio di ex-DOW pa Aruba Ports Authority

Diahuebs anochi tabata un ocasion hopi importante unda a celebra e ceremonia di firmamento pa traspaso y restauracion di e edificio di EX-DOW. Minister di Turismo y Salud Publico Sr. Dangui Oduber a atende e ceremonia di traspaso oficial di edificio di ex-DOW pa Aruba Ports Authority (APA). Esaki sigur ta un logro historico pa Aruba Ports Authority pa por a logra cumpra y restaura un bunita monumento cu hopi característica y historia den e curason di Oranjestad.

Den e ceremonia protocolar, su Excelencia Gobernador di Aruba, Sr. Juan Alfonso Boekhoudt y varios mandatario tabata presente pa presencia e momento historico



aki. E proyecto di restauracion di edificio di EX-DOW ta marca un paso significativo pa mehora e infraestructura y servicio cu ta wordo ofreci na tanto localnan como turistanan. E edificio ta situa central den centro di ciudad, e ta e prome impresion cu turistan-

an crucero ta haya ora nan sali for di nos terminal crucero y miles di turista y local ta pasa dilanti e edificio aki tur dia.

Minister Dangui Oduber su vision y maneho den turismo ta basa riba keda haci inversionnan continuo den

producto Aruba. Finalmente, Minister Dangui Oduber ta contento cu despues di un proceso largo ta marca un fecha importante na mei 2023 unda a firma MOU entre partidonan pa asina sondea e posibilidadnan pa APA cumpra e edificio for di Land

Aruba y net 1 año despues ta finalisa un fase importante cu ta e traspaso oficial di e edificio pa asina cuminsa prepara e siguiente fase cu lo bira e ehecucion di e bunita proyecto di restaura e edificio.

Minister Dangui Oduber ta gradici henter e team di ministerio di turismo cu a traha incansablemente riba e proyecto y sigur un danki special na management di APA, board di APA, ATA y DOW y Monumentenbureau pa hunto por bay realiza un hoya di proyecto pa Aruba cu nos tur por ta orguyoso di dje. Nos tin un futuro briyante nos dilanti y loke nos mester ta conserva nos libertad pa sigui desaroya nos pais manera nos mes ta desea esaki.

Dr. Fauci ta testigua dilanti Congreso Mericano, causando conmocion riba internet



Ayera riba rednan social, publico a keda conmociona pa e testimonio di Dr. Anthony Fauci, kende tabata e experto top den malesa contagioso na Merca te cu el a retira for di gobierno na 2022. Durante su testimonio dilanti un sub-comite di Congreso, lidera pa Republicanonan, Fauci a haci declaracionnan controversial tocante origen di pandemia di Covid-19 y e medidanan cu a implementa pa controla pandemia.

Manera CNN ta reporta, e audiencia tabata e prome testimonio publico di Fauci na Capitol Hill desde su retiro di gobierno. El a bira contencioso na cierto momentonan mientras Republicanonan a interroga Fauci riba un cantidad di topico, incluyendo e base pa recomendacionnan di salud publico durante pandemia y origen di e virus.

Den su testimonio, Fauci a atende loke el a bisa tabata “cierto asunto cu a distorsiona seriamente concerniendo mi persona,” particularmente tocante origen di e virus cu a conduci na pandemia di Covid-19.

Origen di e SARS-CoV-2
Na comienso di 2020, Fauci a testigua cu den yamada cu dos científico – Jeremy Farrar, director di Wellcome Trust na Reino Uni e tempo ey, y Kristian Andersen di Scripps

Research – y a inform’e cu nan y otronan tabata preocupado cu e virus cu ta causa Covid-19 por a ser manipula den e laboratorio. E dia despues di e yamadanan aki, Fauci a bisa cu el a participa den un yamada di conferencia cu varios virologo internacional pa discuti manipulacion den e lab of posible transmision di animal pa hende.

Fauci a bisa cu e virologonan den e yamada a dicidi pa examina mas cuidadosamente e secuencia genómico, y a bisa “varios cu prome tabata preocupado tocante manipulacion den laboratorio a bira convencenci cu no a manipula e virus intencionalmente.” Fauci a bisa cu e científiconan a haya cu e escenario mas probable tabata un virus cu a transferi di bestia pa hende, “maske nan a mantene un mente abierto.”

Mientras cu algun di e científiconan lider cu investiga origen di e virus, incluyendo expertonan di Organización Mundial di Salud (WHO), ta kere cu e virus a transmiti di bestia pa hende na China. Algun estudio tambe a bisa cu e teoria cu e virus a scapa di un laboratorio Chines, e Instituto di Virologia na Wuhan, no por wordo descarta.

Un analisis di inteligencia di Merca publica aña pasa a bisa cu ambos origen ta posible, y e comunidad ta keda dividi riba e asunto aki. “Mi no por duna cuenta ni ningun hende por duna cuenta pa otro

cosnan cu por ta pasando na China, cu ta e motibo pakico mi semper a bisa y mi ta bisa awo, tene un mente abierto riba kico e origen ta,” Fauci a bisa ayera.

Distancia social

Fauci a clarifica cu e guia di distancia social di 2m duna na comienso di pandemia no a bin di dje sino di CDC, segun NYPost.

Fauci, kende a ripiti e guia durante e pandemia, a yega di bisa cu no tin ciencia tras di esaki – pero e tabata kiermen cu no tin estudio clinico pa proba e guia. El a agrega cu el a kere cu CDC a usa estudionan tocante druppel algun aña atras como motibo pa e guia di distancia di 2m.

Ora CDC a promove e idea di “distancia social” di 2m pa hende cu mester tabata cerca di otro durante pandemia, científiconan a pensa cu druppelnan grandi contaminan lo cay for di aire rapidamente y no por biah mas leu cu e dos meter. E tempo ey, WHO a recomenda pa hende tene un meter, of 3.3 meter, entre nan. Pero hasta na 2021, científiconan tabata compronde caba cu e coronavirus ta transporta den aire, loke ta nifica cu e por plama riba particularnan cu por biah mas leu den aire.

Vacuna

Un declaracion di Fauci cu a causa hopi controversia online tabata tocante vacuna. Manera NYPost a recorda,

na 2021 Fauci a bisa: “Ora bo vacuna, bo no ta protege solamente bo propio salud y esun di bo famia, pero tambe bo ta contribui na salud di comunidad door di preveni transmision di e virus den e comunidad. Den otro palabra, bo ta bira un “dead end” pa e virus.”

Sinembargo, ayera Fauci a bisa cu “na comienso claramente [e vacuna] a preveni infeccion den cierto porcentahe di hende, pero e durabilidad di su habilidad pa preveni infeccion no tabata largo, e tabata midi den lunas.” El a agrega cu “e no a preveni transmision ora e habilidad pa preveni infeccion a disminui.”

Cumpra bo Mini Mega y cu Afl. 2,- mas, bo por gana e jackpot di

AFL 1.000.000,-

Con?

Afl. 700.000,-

+

Afl. 300.000,-

www.lottoaruba.com

Pa mas informacion yama 525-7555 of bishita nos website lottoaruba.com

Hulanda: Agresion, droga y trabao sexual

Aumento drastico den incidentenan serio na scolnan secundario

(NLTimes) - Education Inspectorate a ricibi un cantidad record di rapportnan di incidente di scolnan secundario den e prome 4 luna di e aña aki. E rapportnan tambe ta birando cada biaha mas serio, cu rapportnan involucrando droga, agresion of te hasta trabao sexual segun RTL Nieuws.

Den e prome 4 luna di 2024, Education Inspectorate a ricibi 128 rapport di incidente tratando seguridad fisico y 242 rapport tratando seguridad social, compara cu 96 y 184 den e mesun periodo di aña 2023. Durante e añanan di pandemia, e cantidad di incidente tabata hopi mas abao mientras e studiantenan a pasa un gran parti di e aña señalando for di cas.

“Nos ta mira mas incidente den e veld di seguridad. Tambe hopi biaha nan ta mas violento den naturalesa. Esaki ta trata heridanan of por ehempel, e posesion di arma. Tambe nos ta mira argumentonan ta escala cu mas rapides,” rut-



ger Pol, director di educacion secundario na Education Inspectorate a conta RTL. “Esaki ta un desaroyo preocupante. Studiantenan mester sinti safe na scol.”

Docentenan y expertonan di educacion a conta RTL Nieuws cu “cultura di caya” a drenta e scolnan. “Benta di droga ta un problema na casi tur scol,” experto di educacion Leon Meijs, ken ta su-

pervsia scolnan secundario den e veld di seguridad a conta e noticiero. “Algun scolnan mester cera nan porta durante e dia pa motibo cu di otro manera dealernan por drenta. Na un scol, tabatin prostitucion den baño. Mucha hombernan di gangnan rival a ser prohibi bay scol pa motibo cu ora nan topa na scol peleanan ta cuminsa. Esaki tabata algo extremo antes pero mi ta mirando e com-

portamento aki cada biaha mas na scolnan.”

Un encuesta di miembronan di CNV Onderwijs a demostra cu e docentenan tambe ta experiencia mas crimen na scolnan. “Nos tin peleanan dilanti scol, studiantenan bendiendo droga y vape, ‘lover boys’,” un docente a bisa. “Bo por confisca e telefon, pero nan tin 3 na un manera di bisa.”

Scolnan secundario hopi bi-aha no ta prepara pa cosnan manera dealing di droga y violencia, segun investigacion di experto den crimen Jennifer van den Broek. “E problema aki no tabata den e agenda pa añanan largo,” el a conta RTL. El a encuesta casi 1,000 docente y empleado di scolnan den educacion secundario. Mas o menos mita a bisa cu tabatin droga of arma na nan scol durante e ultimo 5 aña. Un di 5 a bisa cu e criminalnan tabata reclutando muchanan na e scol.

Solamente un tercer parti a bisa cu nan tabata sa exactamente ki señalnan di actividad criminal pa monitor y identifica. “91 por ciento di nan a bisa cu nan tin mester informacion adicional, pero solamente 6 por ciento a ricibi e training. Esaki ta demostra cu crimen na scol te ainda no ta riba e mapa ni e agenda tur caminda ainda,” Van den Broek a comenta tocante e encuesta su resultadonan.

Potret di NLTimes.

Hulanda:

No tin placa pa cuminda gratis na scol den acuerdo di coalicion nobo

(NLTimes) - E coalicion derechista no a haci ningun acuerdo tocante continua cu e fondonan pa cuminda gratis na scol. Sin e placa extra, e ultimo cuminda na scol lo ser duna net prome cu vakantie di pasco, scolnan, Cruz Cora y Youth Education Fund a adverti den un carta manda na Parlamento.

Desde comienso di aña 2023, scolnan den barionan unda por lo menos 30 por ciento di e studiantenan ta bini di famianan cu tin ingreso abao a distribui cuminda gratis of bon pa supermarket. Mas di 2,100 scol primario y secundario a participa den e programa, ofreciendo un cuminda diario of un carchi di compras semanal na alrededor di 350,000 muchanan. E programa aki a costa entre 100 pa 130 miyon euro pa aña.

Un mayoria den Tweede Kamer, parti di parlamento, anteriormente a sostene e proposicion di D66 y Volt pa



haci e programa permanente. E partidonan den e coalicion nobo a sostene e proposicion aki pero no a haci mencion di esaki den nan acuerdo.

E lo ta “hopi bon” si e coalicion lo a aloca placa pa sigui cu e cumindanan na scolnan segun Hans Spekman di Youth Education Fund. “Precisamente pa motibo cu demasiado scol ta conecta,

e necesidad ta asina grandi.” Scolnan ya caba ta trahando riba plannan pa proximo aña. “Nan mester certidumbre y claridad.”

E partidonan den e coalicion a bisa cu e programa di cumindanan gratis na scol no a ser laga for di e lineanan principal di e acuerdo pa malo, “simplemente no a papia tocante esaki.” Vocero di VVD

a bisa cu esaki “no ta sorprendente” pa motibo cu e ta solamente e lineanan principal die acuerdo. NSC a yama esaki “un topico liber” pa Tweede Kamer tuma un decision riba dje. Parlamentario di BB a bisa cu e lo ta “den man di e proximo minister” pa aregla e programa aki, y te ainda “no por bisa” si lo tin placa pa esaki.

D66 y Volt no kier warda pa e proximo gobierno pone esaki riba nan agenda. Durante diamars su debate tocante e proximo Memorandum, un di e actualisacionnan anual na e presupuesto nacional, nan lo entrega un proposicion pa aloca 166 miyon euro pa e programa proximo aña. “Te unda cu nos sa, esaki ta parti di educacion,” D66 su parlamentario Ilana Roederkerk a bisa. “Cuminda tambe ta importante pa seguridad social.”

Segun AD, un evaluacion di e Ministerio di Educacion anteriormente e aña aki a demostra cu scolnan, mayornan y muchanan tur ta entusiasma tocante e programa di cuminda gratis na scol. Docentenan a reporta cu tin menos mucha cu hamber den e klas, cual ta nifica cu nan por a concentra miho riba nan trabao na scol. E mayornan cu ta ricibi e carchi pa haci compras di 11 euro pa siman ta experiencia menos stress tambe, cual ta mehora mantene e ambiente den e casnan hopi mas alegre.

Directiva di Stichting Dierenbescherming Curaçao (SDBC) ta retira

(CuraçaoChronicle) - Den un esfuerço pa sigura e continuacion di Stichting Dierenbescherming Curaçao (SDBC) cu tin 75 aña caba, e directiva encabesa pa Maria Garcia, a dicidi di baha pa asina habri caminda pa miembronan di directiva nobo.

Enfrenta cu desafionan significante, e directiva anterior a considera e miho opcion pa resigna y transferi nan responsabilidadnan na un grupo di miembro di



directiva nobo.

Un acuerdo a ser haci pa e directiva actual keda den

mando te cu e directiva nobo ta cla pa tuma over y tambe pa facilita un transicion di responsabilidadnan y

documentonan fluido pa e directiva nobo. Varios candidato a acerca e directiva di supervision cu ta consisti di Eric Bokkes, Frans Heiligers y Herbert van der Woude. E posibel miembronan di directiva a ser informa detayadamente tocante e estado actual dentro y alrededor di e fundacion. Trabao actualmente ta na caminda pa atende e topiconan di administracion asocia cu e transicion na un directiva nobo. Despues di a coordina cu tur partido involucra, preparacionnan

ta hser haci pa un traspaso responsabel.

Un directiva interino a ser asigna pa maneha e asuntonan andando y atende e problemanan tocante e shelter na Parera. E miembronan di directiva interino ta Laura van Dijk, Suzanne de Lavalette y Shadiah Elhage. Dialogo te ainda ta andando cu otro candidatonan. Nan lo formalisa e distribucion di e funcionnan den e directiva entre nan mes.

FKP falta plan di compensacion pa erornan den construccion na proyecto di vivienda Wechi

(CuraçaoChronicle) - Problemanan alrededor di e casnan cosntrui pa Fundashon Kas Popular na Wechi ta sigui escala. Cumpradonan ta kehando cu e casnan no ta cumpli cu e promesanan haci pa FKP, causando un disminucion significativa den confianza di e fundacion. E problemanan ta bini for di problemanan structural te cu mal informacion durante e proceso di benta.



Cumpradonan ta pagando huur mensual pa e mantencion di e areanan comun, luz y mantencion di e tereno. Sinembargo, hopi di e servicionan aki no ta ser duna. No tin luz, e camindanan pa cana ta ausente y e yerba ta keda sin corta. Na lugá di

e seguridad cu a priminti, tin un barera cu un solo guardia. Esaki ta leu di loke FKP a priminti originalmente.

Ex director financiero Peter Bongers recientemente a enfatisa problemanan serio cu e construccion di casnan

Wechi. El a señala cu e uso di moldenan defectuoso a causa cu e casnan ta 7 centimeter mas cortico di loke a especifica den e contractnan. FKP a priminti cu lo yega na un solucion pa e problemanan aki pero den varios ocasion a pospone e fecha pa un

proposicion.

Ademas di e casnan mas crotico, tin un gran cantidad di otro kehonan. Esakinan ta for di bañonan y cushina dañate tubería mal instala. Algun mueble ta mal instala tambe y a haci uso di materialnan cheap compara cu loke a priminti, y FKP no ta dispuesto na ofrece compensacion.

Tambe tin decisionnan di construccion cu poco sentido, manera bentanan asina

halto cu mester di un trapi pa yega na nan. E casnan entrega ta sumamente diferente na e version cu a mostra e cumpradonan.

Algun comprado, specialmente esunnan di exterior, a haci gastonan adicional pa biaha pa Corsou y a haya nan casnan incompleto. Por ehempel, un di nan a descubri cu e dak te ainda no a ser basha apesar di FKP su garantia cu e cas ta cla pa ocupa.

Wardacosta ta rescata dos persona riba lama

Den ora nan di dialuna madruga, Centro Marítimo Operacional di Wardacosta a ricibi un mensahe di un boto den necesidad pidiendo asistencia riba lama.

E boto a bolter aproximadamente 74 miya noordwest di Aruba. E avion DASH di Wardacosta a sali pa hasi un buskeda den e area y a haya e boto cu a bolter cu e 2 personanan riba dje. Inmediatamente a pidi e helicopter di Wardacosta pa bai den direccion di e incidente, pa asina rescata e dos personanan cu a logra di subi riba e boto cu a bolter. A saca nan for di lama y a transporta nan sano y salvo pa Aruba.



Miembronan di Wardacosta na Aruba a ricibi nan debidamente, y lo cana e caminda necesario, hunto cu nos part-

nernan, pa e dos persona nan di nacionalidad Dominicano por bai nan pais bek.



TRABOU DI MANTENCION RIBA LIÑA DI WEG SERO BLANCO
Interupcion di Coriente

En conexion cu trabounan necesario pa mantene un suministro di coriente confiabel, e servicio di coriente lo wordo interumpi:

Diahuebs, 6 di juni 2024
9:00 AM te cu 11:00 AM

Den vecindario di:

- Apachestraat (un parti)
- Brazil (un parti)
- Butucu
- Palisiaweg (un parti)
- Rooi Master (un parti)
- Seroe Preto (un parti)
- Weg Sero Blanco (un parti)
- Weverstraat (un parti)

N.V. ELMAR ta pidi disculpa pa e inconveniencia cu e interupcion di coriente aki por causa.

Bishita www.elmar.aw pa mira e lista di adresnan afecta.

Danki pa e comprension.


ELMAR

Claudia Sheinbaum ta e prome hende muhe presidente di Mexico

(DW) – Segun e prome conteo di Instituto Nacional Electoral (INE) di Mexico, Claudia Sheinbaum a haya entre 58,3 y 60,7% di e votonan compara cu 26,6 y 28,6% di su rival principal, e opositor Xochitl Galvez. Ademá, su partido, e oficialista Movimiento Regeneración Nacional (Morena) y partidonan aliado a logra e mayoría den Congreso Mexicano.

“Mi no ta bay faya boso,” Claudia Sheinbaum a bisa despues cu e prome resultadonan oficial a bira conoci e cual ta duna e victoria den eleccion presidencial. “Ta e reconocimiento di e pueblo di Mexico na nos proyecto di nacion,” Sheinbaum a agrega, mientras su siguidonan tabata grita “Presidente!”.

“Pa prome biaha den 200 aña di republica, mi ta bay bira e prome muhe presidente di Mexico,” el a agrega. “Y manera mi a bisa otro biaha, mi no ta mi so, tur e heroina



cu a duna nos patria, cu nos ancestro,” el a expresa den su mensahe. Sheinbaum ken ta di profesion Fisico y ta ex-alcalde di Ciudad di Mexico, a yega na eleccion general di diadomingo ultimo cu un bentaha amplio di intencion di voto pa goberna te aña 2030 e number dicsdos di economia na mundo y e pais hispano hablante mas grandi, cu 129 miyon habitante.

Mientras tanto, e candidato opositor di Movimiento Ciudadano (MC), Jorge Álvarez Máynez, a ricibi entre 9,9 y 10,8% di e votonan, segun presidente di INE, Guadalupe Taddei a bisa den un mensahe dirigi pa e nacion. E conteo lihe di INE ta e prome verificacion formal di e organismo autonomo, cu ta basa “den un muestra estadístico representativo” di 5.651

centro di votacion cu un nivel di confianza di “por lo menos 95%”, loke ta permiti “un proyeccion fuerte” di ken ta bay gana.

Entrevistanan na boca di urna unda tabata musta Sheinbaum como ganado di e coalicion Sigamos Haciendo Historia.

Diferente medionan y web-

site internacional a destaca e desaroyo di eleccion manera e corant Brasileño O’Globo e cual den un nota a papia con e eleccion aki a produci na momentonan cu Mexico ta sufri “nivelnan halto di violencia di genero.”

Lidernan, ex-presidentenan y politiconan di Latino America a reacciona na e triunfo di Sheinbaum, manera Xiomara Castro, presidente di Honduras “Como e prome presidente hende muhe di Honduras, mi ta extende un palabranan di pabien na e prome muhe presidente eligi di Mexico,” el a bisa.

Di Colombia, e presidente Gustavo Petro a destaca den un mensahe riba e plataforma “X” cu Mexico “a eligi un progresista como e prome presidente den su historia, ta un triunfo pa e pueblo Mexicano y pa su democracia,” el a bisa y a agrega cu nan lo traha hunto “pa un Latino America uni y progresando.”

Marcha di orguyo LGBTIQ+ a tuma luga cu centenares di miles di persona na Brazil

(DW) – Centenares di miles di persona diadomingo ultimo a yena e centro di ciudad di Sao Paulo pa celebra e marcha di orguyo LGBTIQ+ cu na 2024 a haci e invitacion pa “recupera” e colornan berde y geel di e bandera di Brazil, cu a ser tuma como emblema di derecha politico.

Un bandera di un regenboog grandi a cubri e parti dilanti di e Museo di Arte di Sao Paulo na Avenida Paulista, esun principal di e ciudad aki, den cual un ambiente di fiesta a reina cu mensahenan na fabor di respet “pa tur forma di stima, tur forma di ta.”

Bao e lema “Basta di negligencia y retroceso na Legislativo,” e gruponan organisado di e manifestacion tradicional a haci un yamada pa vota pa candidaturanan alinea cu derechonan di LGBTIQ+ den eleccion municipal cu ta bay tuma luga na october di 2024 na Brazil. Tambe, pa mantene vigilante na avance di iniciativanan conservador.

E marcha ta sucede poco dianan despues cu Con-



greso Brasileño a prohibi, cu votonan ultra-derechista y evangelico, promove of financia cu fondonan publico accionnan contra “concepto di famia tradicional,” aborto of cirugia di cambio di sexo pa hobennan. E disposicion, inclui den ley di presupuesto, a ser nenga pa presidente isquierdista Luiz Inacio Lula da Silva.

Participa den e marcha di Orguyo “ta e lucha pa visibilidad, contra violencia y bisa cu nos ta existi y nos ta ciudadanonan cu tur derecho y

deber,” Eugenio Dos Santos, un persona bisti cu e T-shirt di ekipo di futbol di Brazil a bisa.

Na Brazil casi 20 miyon persona (10% di e poblacion) ta identifica di pertenece na comunidad LGBTIQ+, segun Asociacion Brasileño di Lesbian, Gay, Bisexual, Travesti y Transexual y Intersexual.

E prome marcha di orguyo na Brazil a ser realiza na 1997 y a reuni 2.000 persona. Awor ta considera como un di e mas grandi na mundo, cu un asis-

tencia di tres miyon hende. E cita “ta crucial pa e pais por comprende cu e lucha aki ta pertenece na tur e sociedad.” E Drag queen Tchaka, un di e musa di e festeho bisti cu shimis berde y geel a bisa.

E pedido di bisti cu e colornan aki tabata un proclamacion contra ex-presidente Jair Bolsonaro y su gruponan aliado, cu a usa e colornan aki como simbolo durante e mandato di e ultra-derechista.

E idea a surgi despues di e re-

ciente mega-concierto na Rio de Janeiro di Madonna, ken a interpreta un tema hunto cu e artista drag queen Brasileño Pabllo Vittar bistiendo e T-shirt di e “canarina.”

Homofobia ta un delito na Brazil for di 2019, pero diario ta registra agresionnan pa hendenan homosexual y transexual. Segun organisacionnan di defensa di derechonan LGBTIQ+, 145 persona trans a ser asesina na 2023 y otro dies a mata su curpa.

Puerto Rico: Observadornan internacional complaci a pesar di inconvenientenan durante eleccion primario

(ElNuevoDia) – Un grupo di observadornan internacional tabata musta satisfecho, den terminonan general, cu e logistica y operacion electoral durante e eleccion primario na Puerto Rico, aunke nan tabatin e oportunidad di presencia diferente inconveniente durante un recorrido na varios centro di votacion.

Aunke nan a topa, por ehempel, cu un scol di e Partido Popular Democratico (PPD) cu no a habri, votadornan cu no tabata aparece riba e listanan y mashinnan cu no tabata traha, nan ta considera cu e evento tabata exitoso.

“Manera participantenan di diferente pais, nos ta wak cu hopi admiracion e avance tecnologico den e implemen-

tacion di votamento a traves di tecnologia, e diferente opcion cu e ciudadanonan tin pa vota y e dia cu e eleccion primario tin observacion internacional,” e presidente di e comision ken tambe ta presidente di Consejo Nacional Electoral di Ecuador, Diana Atamaint, a destaca.

“E observacion internacional ta bon, cu paisnan cu ta compaño, pasobra e ta nutridi e experiencianan aki y bon practicanan, y na final nos ta laga observacionnan cu nan por implementa, pasobra semper tin algo cu por mehora,” el a agrega.

Ora cu El Nuevo Dia a puntra si tabatin algun cos cu a hala su atencion durante e recorrido, el a menciona cu “na un scol electoral e mash-



innan no a traha.”

“Sinembargo, na e otronan cu nos a bishita den e oranan di mainta, nan a traha corectamente y como cu nan tin medidanan di deposita e voto, e ta garantiza cu e proceso ta desaroya cu normalidad,” el a apunta.

Esaki ta e prome biaha cu ob-

servadornan internacional ta presente durante un eleccion primario na Puerto Rico. Funcionarionan di Argentina, Colombia, Costa Rica, Ecuador, Guatemala, Honduras, Panama, Paraguay, Peru, Republica Dominicana y El Salvador a dividi den varios grupo pa bishita e diferente centronan di votacion.

Cuba: Gobierno Cubano ta prepara Festival LGBT na Cayo Santa Maria pa atrae turismo



(CiberCuba) – Den un intento pa revitalisa industria turistico na Cuba, e regimen ta bay organisa Paradise Rainbow Festival di dia 19 pa 25 di augustus na Hotel Memories Paraiso, ubica na Cayo Santa Maria, na provincia di Villa Clara.

E iniciativa ta propone un siman di fiesta, show y diversion pa celebra amor den tur forma, segun portal di noticia Travel Trade Caribbean (TTC) a informa.

E programa di e evento ta un inclui un Show Fantasia Arcoiris den su inauguracion, cu tema di drag queen, ademas di weganan di participacion cu ta bay tin como premio estadia di un siman na e hotel pa dos adulto.

Fiestanan na pool, desayuno cu diferente tema, un carnaval pa scoge e strea di e festival y atardinan Cubano ta bay ta otro di e propuestanan di e Paradise Rainbow Festival.

Rafael Villanueva, director comercial di e cadena, a confirma na TTC cu e evento aki ta reafirma e politica di e compania hotelero Blue Diamond di renoba su ofertanan na Cuba cu e marca Resonance.

E cadena tin plannan pa pone e marca na Varadero y na Cayo Santa Maria, enfocando den atrae un publico mas hoben riba 18 aña, Villanueva a indica, demostrando e esfuerso

desespera di e regimen di comercialisa e altamente critica destino di Cuba.

Tocante esaki, el a splica cu nan ta bay maneha dos concepto: E concepto Music, enfoca pa hobennan cu ta busca entretenimento, animacion, fiestanan diferente y un kalender di DJ internacional, un publico cu te cu aworaki no tabata bishita Cuba.

E di dos concepto ta e concepto Blue, cu ta orienta na e segmento cu ta busca bienestar, yoga y relajacion. Segun e directivo, esaki ta bay ta algo full nobo na e pais.

Den luna di januari, e regimen Cubano y un firma Spaño a anuncia e preparacion di e prome gran festival LGBTI di e isla, cu ta bay wordo desaroya exclusivamente na Cayo Santa Maria, confirmando e tendencia di e gobierno di purba rescata e industria turistico.

E escenario aki a wordo scogi pa e dictadura pa prepara eventonan cu ta provee placa cash di manera facil y lihe, y aworaki a toca e turno na Spartacus, un festival LGBTI cu ta wordo promociona for di Spaña como un momento di musica, arte y inclusion, e corant local La Voz de Galicia a informa.

E iniciativa ta wordo prepara pa e firma Turidove y ta bay desaroya entre 31 di juli y 4 di augustus. E ta bay ta un evento nunca antes mira na e isla, e informacion ta detaya.



TRABOU DI MANTENCION NA SAN NICOLAS Interupcion di Coriente

En conexion cu trabounan necesario pa mantene un suministro di coriente confiabel, e servicio di coriente lo wordo interumpi:

Diahuebs, 6 di juni 2024
8:30 AM te cu 4:00 PM

Den vecindario di:

- Booby Hillweg
- Bottom Hillweg
- Diamantbergweg (un parti)
- Dr. Schaepmanstraat (un parti)
- Great Hillweg
- Grotebergweg (un parti)
- Parish Hillweg
- Rooiweg
- Centro Colorado/FMAA
- Seroe Dos Posweg
- Weg Fontein
- Weg Rooi Hundo (un parti)
- Palo Marga International Speedway
- Colegio Hilario Angela
- Fontein Kleuterschool

N.V. ELMAR ta pidi disculpa pa e inconveniencia cu e interupcion di coriente aki por causa.

Bishita www.elmar.aw pa mira e lista di adresnan afecta.

Danki pa e comprension.




Huicio tocante emboscada fatal di rapper Young Dolph lo bolbe cuminsa na september



(AP) - Hues riba dialuna a bolbe pone fecha pa huicio di un homber acusa di asesina rapper Young Dolph den un emboscada di tiroteo na un tienda den su estado natal, Memphis, Tennessee.

Shelby County Judge Jennifer J. Mitchell a pone fecha di dia 23 di september pa un huicio contra Justin



Johnson (26). El a declara su mes inocente pa asesinato di prome grado den e tiro fatal di Young Dolph, ken tabata cumprando buscuchi ora cu el a ser tira den november di 2021 na un panaderia local.

Johnson su huicio mester a cuminsa dialuna. Sinembargo fiscalnan y Johnson su abogado a entrega un mocion conhunto dia 14 di mei pidi-

endo Hues atrasa e huicio pa nan por presenta testigonan experto pa trata e recordnan di e localidad di celularnan.

Mitchell a declara den februari cu e hurado den e huicio lo bini for di fuera di Memphis pa motibo cu tabatin cobertura den media di e rapper su asesinato, cual a impacta Memphis y e mundo di entretenimento.

Autoridadnan a bisa cu dos homber a sali for di un Mercedes-Benz horta y a dispara den Makeda's Homemade Cookies prome cu nan a huy. Mientras nan tabata busca un sospechoso, polis a publica potretnan tuma for di videonan di vigilancia cu a capta e tiroteo.

Cornelius Smith Jr. tambe a declara su mes inocente na e acusacionnan di asesinato di prome grado den e tiroteo. Te ainda no a pena fecha den e huico di Smith.

Young Dolph, ken su nomber real tabata Adolph Thornton Jr., tabata un rapper, productor y dono di un compania di musica. El a ser tira mientras e tabata bishitando un familiar malo y tabatin plan di parti turkey pa Thansgiving.

Conoci pa su descripcionna di bida riba caya y su strategia independiente na musica, Young Dolph tabata admira pa su trabao di caridad Memphis. Conhuntamente cu regala turkey, el a duna miles di

dollar den donacion na scolnan y a paga huur ademas di cubri gastonan di entierro pa persona den e barrio di Castalia Heights unda el a ser cria. Un caya di e barrio a ser nombra Young Dolph despues di su fayecimento.

Dos otro homber tambe a ser acusa den e asesinato.

Hernandez Govan a declara su mes inocente pa organisa e asesinato. Te ainda no tin echa di huicio pa su persona tampoco. Jermarcus Johnson a declara su mes culpabel den juni di 3 acusacion cu e tabata un accesorio pa e asesinato pa medio di yuda Smith y Johnson, ken ta su medio ruman.

Jermarcus Johnson a admiti cu el a yuda ambos sospechoso comunica via telefon mientras nan tabata coriendo for di autoridadnan y a yuda un di nan comunica cu su oficial di libertad condicional. Jermarcus posiblemente no lo ser sentencia te despues di un huicio den e caso.

“BeYourOwnBoss” di Qredits Aruba cu colaboracion di Aruba Bank a clausura cu su “Pitch Event”



Qredits Aruba, den colaboracion cu Aruba Bank, a clausura cu exito e evento final di “BeYourOwnBoss”, caminda a demonstra e talento di “entrepreneurship” di hobennan rond di nos isla. E evento, cu a tuma lugar na Boulevard Events, a trece hunto hobennan aspirante emprendedor di ocho scolnan participante: C.G. Abraham de Veer School, Colegio San Antonio, De Schakel College (MAVO & HAVO), EduCampus, La Salle College, Maria College, Mon Plaisir College (MAVO & HAVO) y Colegio Nigel Matthew.

Aruba Bank, e patricinador oficial di e evento di aña aki, ta orguyoso di por a duna sosten y promove “entrepreneurship” entre e hobennan di Aruba. E colaboracion ta resalta e compromiso di e banco pa stimula inovacion y habilidad di negoshi den comunidad. E programa educativo di “BeYourOwnBoss” ta diseña pa inspira y educa estudiante riba e fundamentonan di “entrepreneurship”, duna nan e habilidad y conocimiento nesario pa converti nan idea inovativo den negoshinan exitoso. Den transcurso di e ultimo lunanan, studiantenan di e scolnan participante a traha duro riba nan plan di negoshi, culminando den e evento final di pitch caminda nan a presenta nan idea na un panel di huradonan cu expertisio den nan ramo di trabou. E panel di huradonan tabata inclui lidernan y expertonan di negoshinan renombra riba nos



isla: Sr. Rodney Geerman, “Assistant Retail Manager Sales and Services” di Aruba Bank; Sra. Twyma van der Biezen, Qredits Aruba; Sr. Diederik Kemmerling, Presidente di Camara di Comercio di Aruba; y Sr. Herrick Henriquez, Director di ATIA Aruba. Nan experiencia y conocementonan a provee feedback di gran balor na e participantenan.

Ganadornan di e Final Pitch di “BeYourOwnBoss” categoria MAVO:
Prome lugar: Compania “NA Skin Care” representando La Salle College
Di Dos lugar: Compania “Boss Cases” representando Maria College
Di Tres lugar: Compania “Yarn and Beauty” representando C.G. Abraham de Veer school

Ganadornan di e Final Pitch di “BeYourOwnBoss” categoria HAVO:
Prome lugar: Compania “Youthful Happy Mind” representando Colegio Nigel Matthew Aruba
Di Dos lugar: Compania “Fit Slice” representando Mon Plaisir College
Di Tres lugar: Compania “Click ‘n Go” representando De Schakel College

Aruba Bank ta orguyoso di forma parti di e iniciativa aki cu ta duna sosten na e siguiente generacion, cual ta esencial pa e desaroyo economico y inovacion di nos isla. Nos ta spera cu e ideanan di lidernan hoben aki por prospera den negoshinan local y alabes ta felicita tur scol cu a forma parti.

Michael Douglas ta haci un bishita di solidaridad na parti sur di Israel

(AP) - Actor Michael Douglas riba diadomingo a haci un bishita na un parti di Israel cu a ser golpia pa e atake di Hamas cu a causa e guerra entre Israel y e grupo militante Islamico.

Douglas a reuni cu miembronan di Kibbutz Be’eri y a bishita casnan destrui den e atake. Be’eri tabata entre e comunidadhan golpia mas fuerte, cu alrededor di 100 persona asesina y 30 tuma como rehen.

Douglas a bisa cu el a topa cu famianan di e rehennan y a bishita e sitio di e fiesta musical unda mas di 300 persona a ser asesina.

Tambe el a reuni cu Israel su president, Isaac Herzog, ken a presenta e actor cu un cadena Israelita entre otro, como simbolo di solidaridad cu decenas di rehen cu te ainda ta den cautividad di Hamas.

“E ta un tempo sumamente dificil. Bo ta sinti e shock pro-



fundo di e experiencia aki,” Douglas a bisa, expresando speransa cu e rehennan lo ser libera pronto. Douglas tambe a papia contra di manifestantenan pro-Palestina riba campus Mericano, bisando cu nan ta victima di ‘brainwashing’. “Ora bo purba papia cu hopi di nan, no tin educacion. No tin conocimiento,” el a splica.

Douglas ta e mas recien den un cantidad di celebridad Mericano y politiconan cu a bishita Israel y a participa den un tur di e area na e frontera cu Gaza.

Presentacion di Fundacion Pulso den cuadro di 'Intercambio De Saberes' *Artesanonan Colombiano a presenta nan arte*

Siman pasa, Minister di Cultura, Xiomara Maduro, tabata invitado na Embahada di Colombia pa un encuentro cu artesanonan Colombiano cu a bin den cuadro di 'Intercambio de Saberes' cual ta un intercambio entre artesanonan di Colombia y Aruba.

Durante e ocasion aki, Minister Maduro a expresa su aprecio y gratitud pa Fundacion Pulso cu a organisa e intercambio aki cu ta di sumo importancia pa e culturanan di ambos Pais. 'Como Minister di Cultura ta un honor pa enfatisa e importancia di promove intercambio entre e cultura di Aruba y Colombia. Esaki ta un celebracion di nos historia y herencia cultural comparti, permitiendo artesanonan pa siña for di otro y combina diferente tecnica, estilo y perspectiva. E intercambio aki no solamente ta yuda cu preserva artenan tradicional, pero tambe ta stimula inovacion, sigurando



cu nos practicanan cultural ta keda dinamico y relevante,' e mandatario a elabora.

Intercambio cultural entre Aruba y Colombia ta sirbi como un herment importante pa diplomacia, construyendo un brug entre ambos Pais y estimulando comprension y respet mutuo. E interaccionnan aki ta contribui na preservacion di nos herencia cultural intangible, dunando un plataforma na artesanonan pa comparti

nan historia y tecnicanan. Adicionalmente, envolvimento di comunidad via di tayer, exposicion y proyecto di colaboracion ta ofrece oportunidad educativo, inspirando e generacion nobo pa sinti nan mes orguyoso di nos herencia cultural. 'Den

sostene y celebra e intercambio aki, nos ta honra nos pasado, brasa nos presente y forma un futuro unda diversidad cultural y colaboracion ta wordo aprecia y balora.' e mandatario a finalisa.

Minister Maduro ta gradici

Embahada di Colombia y Fundacion Pulso pa e invitacion y ta gradici e artesanonan di Cauca, Popayán y Miranda pa e bunita arte cu nan a presenta durante e atardi aki. 'Cultura bo tin cu bib'e y cu bo participacion bo ta engrandece'.





WATER- EN ENERGIEBEDRIJF BONAIRE

WEB heeft momenteel een
vacature voor de functie van:

Waste Water Operator

Werkzaamheden zijn o.a.:

- Controleert en bewaakt het proces van de afvalwaterzuiveringsinstallatie teneinde het afvalwater afkomstig vanuit de infrastructuur voor afvalwater op adequate wijze wordt verwerkt
- Controleert en registreert informatie aangaande de biomassa en eventuele afwijkingen rapporteren
- Controleert en ontsmet het product effluent water
- Assisteert bij de uitvoering van groot onderhoud en het verhelpen van complexe storingen
- Controleert de installatie op lekkages en draagt zorg voor het dagelijks schoonhouden van de plant
- Lokaliseert en verhelpt kleine storingen en onderhoudt de hulpaggregaten
- Stelt dagrapporten en storingsrapporten op
- Draagt zorg voor het opnemen van parameters en meetresultaten en registreert deze

Profiel van de ideale kandidaat:

- Afgeronde MBO-opleiding niveau 3, richting Procestechnologie, Werktuigtechnologie of Electrotechniek
- Enkele jaren ervaring in een vergelijkbare functie
- Goede communicatieve en analytische vaardigheden alsmede goede rapportage- en computervaardigheden
- Eigenschappen als betrouwbaar, stressbestendig, klantvriendelijk en 'Hands-on'-mentaliteit
- Beheersing van de talen: Nederlands, Papiaments en Engels
- Kennis met MS-Office basis computer applicaties
- Kennis van rioleringsystemen en waterzuiveringsinstallaties is een pré
- Bereid om continuïteit te werken volgens een jaarlijkse wachtschema

Sollicitatie:
Indien u in aanmerking wenst te komen voor deze functie, ontvangen wij graag uiterlijk **19 juni 2024** uw motivatiebrief en Curriculum Vitae t.a.v. de afdeling Human Resources per e-mail: recruitment@webbonaire.com

Voor meer informatie over **Water- en Energie Bedrijf Bonaire N.V. (WEB)** bezoek onze website www.webbonaire.com

[linkedin.com/web-bonaire](https://www.linkedin.com/company/web-bonaire)
[facebook.com/webbonaire](https://www.facebook.com/webbonaire)
www.webbonaire.com



CEOnan Mericano a haya aumento grandi di salario na 2023

Aumentando e diferencia cu e trahadornan cu nan ta lidera

(AP) — E pakete di compensacion tipico pa hefenan ehecutivo cu ta maneha companianan den e S&P 500 a aumenta casi 13% aña pasa, facilmente superando e ganashi pa trahadornan na un momento unda inflacion tabata poniendo presion considerable riba presupuestonan.

E pakete mediano di pago pa CEO a aumenta na \$16.3 miyon, un aumento di 12.6% segun datonan analisa pa AP door di Equilar. Mientras tanto, salario y beneficio total pa trahadornan den sector priva a aumenta apenas 4.1\$ durante 2023. Na mita di e companianan den encuesta anual di pago di AP, e lo dura e trahador memey di e escala di pago di e compania casi 200 aña pa gana loke e CEO a gana.

“Den mercado post-pandemia, e deseo ta pa huntanan recompensa y retene CEOnan ora nan ta sinti cu nan tin un bon lider,” segun Kelly Malafis, partner fundador di Compensation Advisory Partners na New York.

E encuesta di compensacion di CEO a inclui data di pago pa 341 ehecutivo na companianan S&P 500 cu a fungi al menos dos aña fiscal completo consecutivo na nan companianan, cu a entrega declaracionnan proxy entre dia 1 di januari y 30 di april.

Hock Tan, CEO di Broadcom, tabata den top di encuesta di AP cu un pakete di pago balora na como \$162 miyon. Broadcom a otorga



Tan premionan di accion balora na \$160.5 miyon dia 31 di october 2022 pa e aña fiscal 2023 di e compania. Tan a ricibi oportunidad pa gana hasta 1 miyon accion cuminsando na fiscal 2025, segun un documento, tanten cu stock di Broadcom cumpli cu cierto meta – y e ta keda CEO pa cinco aña.

Na momento cu a otorga e accionnan, stock di Broadcom tabata intercambia na \$470. E stock a aumenta desde e tempo ey, alcansando un all-time high di \$1,436.16 dia 15 di mei ultimo. Tan ta bay ricibi e compensacion completo si e prijs averahe durante ciere ta na of riba \$1,125 pa 20 dia consecutivo entre october 2025 y october 2027. Broadcom a nota cu bao Tan, su balor di mercado a aumenta di \$3.8 biyon na 2009 na \$645 biyon te cu dia 23 di mei, y cu su shareholder return total durante e tempo aki facilmente a supera esun di e S&P 500.

Otro CEOnan den top di encuesta di AP ta William Lansing di Fair Isaac Corp (\$66.3 miyon); Tim Cook di Apple Inc. (\$63.2 miyon); Hamid Moghadam di Prolo-

gis Inc. (\$50.9 miyon); y Ted Sarandos, co-CEO di Netflix (\$49.8 miyon).

Lisa Su, CEO fabricante di chip Advanced Micro Devices, tabata e CEO femenino miho paga den encuesta di AP pa di cinco aña consecutivo den fiscal 2023, ricibiendo compensacion balora na \$30.3 miyon – flat cu su pakete di compensacion na 2022. Su rango total a aumenta di 25 pa 21.

Trahadornan na Merca ta bin ricibiendo pago mas halto desde pandemia, cu salario y beneficio pa empleadonan di sector priva aumentando 4.1% na 2023 despues di un aumento di 5.1% na 2022, segun Departamento di Labor. Pero hasta cu esaki, e gap entre e persona den oficina na skina y tur otro hende ta keda amplia. Mita di CEOnan den e encuesta di pago e aña aki a gana al menos 196 biaha loke e empleado averahe ta gana. Esey a subi compara cu 185 biaha mas cu nan tabata gana den encuesta di aña pasa.

E desigualdad entre loke e hefe ehecutivo y e trahadornan ta gana no semper tabata asina grandi.

Despues di Segundo Guerra Mundial y te cu añanan 1980, CEOnan di companianan grandi a gana como 40 pa 50 biaha e salario di e trahador averahe, segun Brandon Rees, director interino di corporacion y mercado capital pa AFL-CIO, cu ta dirigi un website Executive Paywatch cu ta track pago di CEOnan.

“E tasa (ratio) di pago actual ta señala un cultura di esun cu gana ta bay cu tur cos, cu companianan ta tratando nan CEOnan manera, bo sa, manera super strea en bes di parti di un team,” Rees a bisa.

A pesar di e critica, accionistanan usualmente ta duna sosten abrumante na paketenan di pago pa lidernan di compania. Di 2019 pa 2023, companianan tippicamente a ricibi tiki menos cu 90% di voto pa nan plan di compensacion ehecutivo, segun data di Equilar.

Sinembargo, accionistanan si ta rechasa un plan di compensacion ocasionalmente, maske e votonan no ta obligatorio. Na 2023, accionistanan na 13 compania den S&P 500 a duna e pakete di pago menos cu 50% di sosten.

Sarah Anderson, kende ta dirigi e Proyecto Global di Economia na e instituto progresista pa Estudio di Politica, a bisa cu votanan Say on Pay ta importante pasobra nan ta “briya un luz riba algun di e casonan mas escandaloso di acceso ehecutivo, y por conduci na negociacionnan riba pago y otro asunto cu accionistanan por kier trece dilanti cu liderazgo corporativo.”

Despues cu su inversionistanan a duna un rechazo abrumante na e paketenan di pago pa su ehecutivonan top, Netflix a reuni cu varios di su accionistanan mas grandi aña pasa pa discuti nan preocupacion. Despues di e combersacionnan, Netflix a anuncia varios cambio pa re-diseña su politicanan di pago. Di prome, a elimina e escogencia di ehecutivonan pa aloca nan compensacion entre cash y opcion. Ya no ta duna opcion di stock mas, cu por duna ehecutivonan un pago tanten cu e prijs di e stock keda riba cierto nivel. Na lugar di esaki, e compania ta duna stock restringi cu ehecutivonan por beneficia di dje solamente despues cu cumpli cu cierto tempo of medidanan di prestacion. E cambianan ta bin na vigor na 2024.

Mas ampliamente, votonan Say on Pay no a haci un diferencia grandi, Anderson ta bisa. “Mi ta kere e impacto, sigur riba tamaño general di pakete pa CEO, no tabatin hopi efecto den algun caso.”

X ta permitiendone usuarionan post contenido adulto consensual


(AP) – E plataforma di red social X ta bisa cu awo ta bay permiti formalmente pa hende mostra contenido adulto consensual, tanten cu e ta marca (label) claramente como esaki. E movida ta haci oficial un politica cu ya tabata na lugar tempo cu e compania tabata conoci como Twitter, prome cu biyonario Elon Musk a cumpr’e na 2022.

Den un actualisacion recien riba su website, e compania basa na San Francisco a bisa cu usuarionan “mestr por crea, distribui y consumi material vincula na temanan

sexual tanten cu e ta produci y distribui di manera consensual (cu permiso). Expresion sexual, sea visual of escrito, por ta un forma legitimo di expresion artistico.”

Material adulto tabata permiti den Twitter pre-Musk tambe, maske no tabatin politica oficial na vigor. X a bisa cu ta restringiendo contenido adulto pa mucha y pa usuarionan adulto cu scoge pa no mir’e.

“Nos tambe ta prohibi contenido promoviendo explotacion, sin permiso, obhetivacion, sexualisacion of daño na menornan, y comportamentonan obsceno,” X a bisa.



A agrega cu no ta permiti comparti contenido adulto den lugarnan “altamente visible” manera potret of banner di perfil.

E politica di X ta den con-

traste cu otro plataformanan di rednan social, manera propiedadnan di Meta – Instagram y Facebook – como tambe TikTok, y YouTube di Google.

E compania ta parce di ta purbando di atrae hende, incluyendo creador y artista, cu a keda marginalisa pa otro plataformanan di rednan social cu por tin guanan restringiendo expresion sexual. E politica ta aplica na material real como tambe esun genera pa inteligencia artificial (AI).

X ta puntrando usuarionan cu ta post contenido adulto regularmente pa ahusta nan settings pa pone tur nan imagen y video tras di un advertencia. Esaki ta rekeri pa usuarionan reconoce cu nan kier mira un imagen prome cu nan por mir’e.

Espectacular apertura di Weganan Escolar 2024

Diasabra ultimo, a tuma luga e gran apertura di Weganan Escolar 2024 na Stadion di Nadi Croes y Crismo Angela na Santa Cruz. Weganan Escolar ta un proyecto deportivo di Ministerio di Enseñansa y Deporte conhuntamente cu IBiSA.

E meta di WE Aruba ta pa promove deporte bou di e alumnonan di scol preparatorio, basico y secundario. E aña aki un total di 1300 alumno di 45 scol lo bataya dos siman contra otro pa konkista e titulo maximo. E scolnan lo enfrenta otro den diferente disciplina entre otro, futbol, volleyball, beach tennis, badminton, “kids athletics”, We Mente y We Baile. Presente na e celebracion deportivo tabata Minister President Evelyn Wever - Croes, Minister Xiomara Maduro, Minister Rocco Tjon acompaña pa su yiuunan, Endy Croes acompaña pa su kerida esposa, vice presidente di Parlamento Raymond Kamperveen, Parlamentarionan Alvin Molina y Hendrik Tevreden, representante di diferente organizacion- y federacion deportivo, representante di directivanan di scol, cabesante di e scolnan y demas invitadonan



special.

E ceremonia oficial a inicia cu entrada di e scoutnan: Denisha y Dyandra Ruiz di Het Arubaanse Padvindiers Gilde Jeanne D'Arc Group cu e bandera di Aruba sigui pa desfile di e 45 scolnan, show di baile di NTG & NLG dirigi pa Sra. Marisol Peña cu coreografia di Ana Perez, Aileny Suarez, Alenkis Quirre - Castro, presentacion di Gihae Gymnastics, entretenimento di brassband y entreda di antorcha Olimpico. Nos himno nacional a keda interpreta pa C-Pop Kids bou guia di Sra. Edselyn Figaroa, sigui pa discurso di director di IBiSA Sr. Isnardo Faro, Prome Minister di Aruba Evelyn Wever - Croes y Minister di Enseñansa y Deporte Sr. Endy Croes. E hoben Atleta Masculino di Aña 2023 Zair Croes acompaña pa Dylan

Giel, Gregory Wernet, Jeon Fernandes, Emma Gobert y Max Dennert a drenta e stadion cu e antorcha Olimpico. Despues cu Zair Croes a cende e candela escolar, Minister Endy Croes a declara Weganan Escolar 2024 oficialmente habri. Memey di veld Minister President Evelyn Wever - Croes, Minister Rocco Tjon, Minister Endy Croes y Parlamentarionan Alvin Molina y Hendrik Tevreden a scop e bala y asina duna inicio na dos siman di competencia escolar. Despues di e ceremonia di apertura,



a sigui cu e partido di futbol entre Scol Basico Washington y Sint Paulus School.

Pa finalisa, Minister Endy Croes ta gradici IBiSA, Ministerio di Enseñansa y Deporte, Lotto pa Deporte, Stichting Sport Subsidie Aruba, Setar, Utilities Aruba N.V., AAA y Gabinete Wever - Croes II cu a inverti y haci Weganan Escolar 2024 posibel. Alabes e mandatario di Deporte gradici e directivanan di scol, cabesante- y docentenan di gymnastiek pa sostene e proyecto. “Pal-

abra di danki na e mayornan cu ta apoya y sostene nan yiu den nan deporte favorito”, Minister Endy Croes a enfatisa. Un danki sigur na KPA, Brandweer, Arugas cu a yuda cu e antorcha, Sra. Marisol Peña, NTG & NLG y Gihae Gymnastics pa e fantastico show di apertura. Por ultimo, Minister Endy Croes ta invita Pueblo di Aruba pa duna apoyo y sosten na nos muchanan durante e competencianan di Weganan Escolar 2024.



Apesar di tur esfuerzo persona di 76 aña di edad ta fayece na De Palm Island



Cu profundo tristeza nos ta confirma e fayecimento tragico di un huesped masculino di 76 aña di edad, na De Palm Island diadomingo dia 2 di juni 2024.

E huesped a experencia complicacionnan na momento cu e tabata snorkel y a sak'e for di awa inmediatamente. Te cu awor e causa exacto di su morto no ta conoci ainda.

A sigui tur e procedimentonan pa den caso di hogamento. Esnan cu a atende e meneer tabata bon capacita, certifica y ekipa cu ekipo di prome auxilio necesario; sinembargo, a pesar di nos mihor esfuersonan, nos no por a reanima e huesped.

Seguridad ta nos maximo prioridad. Despues di e tragedia aki, a tuma e decision inmediato pa sera De Palm Island pa respet na e famia, pa atende cu nos personal di salbabida y pa permiti autoridadnan corespondiente pa realisa nan investigacion. Nos kier a gradici pa e apoyo ricibi di miembronan di nos equipo, socionan y e comunidad local durante e momentonan dificil aki.

Nos ta pidi nos disculpa na tur nos clientenan y invitadonan cu a keda afecta pa e incidente. Lo debilbe e placa di entrada pa e dia aki.

Si tin pregunta of mester di sosten, no duda den tuma contacto cu nos. Un bes mas, nos curason ta cu e famianan y e sernan stima di e fayecido.

Polis a detene adicto ambulante cu ta busca problema

Diasabra anochi a drenta informe di cu un dama chinesa ta ser sigi pa un adicto ambulante cu un martieuw y a core bay.

Un oficial di e brigada motorisa cu tabata cerca a bay na e sitio y a logra topa cu e persona y e adicto ambulante. E adicto a dal e persona cu un piedra na su pia. Polisnan a busca den e area y a bin topa cu e agresor na Awakiststraat y a detene pa intento di agresion y maltrato.



Polis a detene chauffeur cu tabata core malisimo y a pone e 3 amigo busca lift of cana

Diasabra anochi polisnan di Santa Cruz a nota un chauffeur coriendo malisimo, mesora nan a para e chauffeur cu tabatin 3 amigo mas cun'e y nan tabata riba paranda.

Ora polis a test e chauffeur esaki a resulta malo y polis a detene. Polis a bisa e 3 amigonan cu tabata den auto pa nan bay busca un lift of cana bay cas..... e trip a caba aki!



Polis a detene persona burachi cu a bin haci fastioso na un cas na Sabana Basora

Diasabra atardi a drenta informe di cu tin un hende cu a yega burachi y ta haciendo fastioso na un cas na Sabana Basora, mesora a dirigi un patruya na e sitio.

topa cu e homber burachi y ni cuanto polis a papia cun'e toch no a keda nada otro cu detene. Polis a pidi pa e vehiculo di transporte pa asina hib'e warda di polis y pone den un cel unda e lo por reflexiona.

Na yegada si e patruya a bin



Polis a logra localisa chauffeur cu a dal palo di luz y core bay, pa suerte e bumper cu plachi number a keda atras



Diasabra atardi laat a drenta informe di un accidente na e rotonde banda di Acero na Tanki Leendert, mesora a dirigi un patruya na e sitio.

na e sitio e patruya a bay e adres unda e auto ta registra y a haya e auto pero no por a haya e chauffeur. Un rato despues e chauffeur a aparece y a bisa cu e mes tabata tras di e stuur na momento di e accidente. Polis a prepara un bunita boet pa e bay paga y despues e lo haya e regalito di e gastonan di reparacion.

Na yegada di e patruya pa suerte a logra haya e bumper preto cu a cay despues di e impacto y e plachi number riba dje. Despues di a termina



Career Opportunities

Caribbean Palm Village Resort
Seeking energetic, motivated individual to function as:

- **Front Desk Agent/ Night Audit**
- **Room-attendant**

We offer:
Competitive Wages, Bonus, Savings, Life insurance

Please send your application, CV, diplomas, and other relevant document to: mary@cpvr.com
For hand delivered applications, please pass by our Human Resources Office located at Noord 43-E, from Monday – Friday between 9:00 am and 12:00pm or
Telephone: **5862700 or 5262889**

Auto a crusa dilanti motociclista y esaki a desvia pa evita e impacto



Diaranson atardi a drenta informe di un accidente na Hooiberg, mesora a di-

rigi un patruya na e sitio.

Na yegada di e patruya a bin



compronde cu un auto Toyota Yaris a crusa dilanti un motociclista sin rijbewijs y esaki

pa evita un fuerte impacto a purba desvia pero e impacto tabata inevitable y nan a dal



toch. Afortunadamente ningun hende a resulta herida.

Chauffeur no a regula su velocidad ni a mantene distancia a bay dal tras di auto na Tanki Leendert

Diaranson merdia a drenta informe di un accidente banda di Cadushi Supermarket na Tanki Leendert, mesora a dirigi un patruya na e sitio.

Na yegada di e patruya a bin compronde cu aki ta trata di un accidente unda cu e chauffeur di un Chevrolet no a regula su velocidad ni a mantene distancia a bay dal tras di e auto Suzuki Liana su dilanti. Afortunadamente ningun hende a resulta herida.



Relaciona cu caso di hincamento, polis a bay tambe na un cas na Tanki Leendert unda ey tabatin destruccion



Diabierna madruga a drenta informe di un caso di destruccion, mesora a dirigi un patruya na e sitio.

Na yegada di e patruya a bin compronde cu locual a sosode eynan ta relacion cu e caso di hincamento. Mucho mas detaye no por a ser haya.

Turista cu UTV a perde control bay dal den mondi keda spin y keda mey mey caminda

Diaranson atardi a drenta informe di un accidente na crusada di Ayo Rock Formation, mesora a dirigi un patruya na e sitio.

Na yegada di e patruya a bin compronde cu aki ta trata di un accidente unda un turista manehando un UTV a perde control drenta mondi keda spin y bay para meymey di caminda. Afortunadamente ningun hende a resulta herida.




Accidente pa falta di preferencia na Catiri

Diaranson atardi a drenta informe di un accidente na Catiri, mesora a dirigi un patruya na e sitio.

Na yegada di e patruya a bin compronde cu aki ta trata di un accidente pa falta di preferencia entre un Nissan Kicks y un Suzuki. Afortunadamente ningun hende a resulta herida.



Chauffeur ta bay despues cu truck a dal un palo di luz y bay para den parkinglot



Diaranson madruga a drenta informe di un accidente na Palm Beach, mesora a dirigi un patruya na e sitio.

Na yegada di e patruya a bin compronde cu aki ta trata si un accidente unda un truck a pasa dal un palo di luz. E chauffeur a para e truck den

parkinglot y a bay for di e sitio. E palo di luz a scheur y tanto internet como tambe CableTV a cay afo.

Chauffeur no a pone atencion su dilanti y a bay dal riba un auto staciona banda di caminda



Diaranson atardi a drenta informe di un accidente na Koningstraat, mesora a dirigi un patruya na e sitio.

Na yegada di e patruya a bin compronde cu aki ta trata

di un accidente unda cu e chauffeur di un Hyundai Tucson no tabata pone atencion su dilanti y a bay dal tras di un auto Nissan Versa estaciona. Afortunadamente ningun hende a resulta herida.

Polis a detene sospechoso di intento di atraco



Diaranson anochi a drenta informe di un intento di atraco cu agresion den Havenstraat, e victima a keda basta maltrata te cu ambulans mester a bin

busk'e y hib'e hospital. E victima a duna polis e descripcion y polis a sali bay en busca di dje. Den Rancho a polis a logra topa cun'e y a detene.

Establecimiento nobo cu servicio di prikpost LABHOH
Horacio Oduber Hospital orguyosamente ta habri
Cas di Dokter Piedra Plat

Horacio Oduber Hospital (HOH) a celebra recientemente e apertura di e di dos establecimiento Cas di Dokter Piedra Plat dirigi pa HOH. Hospital a habri e prome localidad algun aña pasa na Eagle y awo e di dos ta habri su portanan oficialmente na Piedra Plat. Sr. Gregory Croeze, miembro di Hunta di Directiva HOH, a expresa cu awo tin dos dokter di cas den servicio di Cas di Dokter Piedra Plat y cu pa fin di aña lo amplia e cantidad di dokter na cuater. Ademá lo tin un Praktijkondersteuner Huisarts (POH)

y tambe tin un prikpost di LABHOH situa na e Cas di Dokter Piedra Plat cu amplio luga pa parkeo. A habri e bunita atardi aki cu presencia di invitadonan unda nos minister di Turismo y Salud Publico, sr. Dangui Oduber a dirigi algun palabra terminando cu “e apertura aki ta un paso mas cu Aruba ta tuma den loke ta cuido medico cu ta enfoca un bes mas riba calidad di cuido pa nos pashentnan.” Sr. Croeze a splica cu: “OE AZV a acerca nos algun luna pasa cu e pregunta si Hospital ta dispuesto pa habri un di


dos localidad di Cas di Dokter. Nos a reuni internamente tocante e peticion aki y no a tarda mucho cu nos a regresa cu un contesta positivo. Cas di Dokter ta un servicio cu ta cuadra cu e vision di HOH. Habriendo un Cas di dokter den bario ta haci nos como HOH mas cerca di y accesibel pa e comunidad.” Prome cu e conteo oficial pa asina corta e cinta Sr. Edwin Jacobs, director di OE AZV tambe a dirigi algun palabra y a termina bisando: “masha danki HOH pa e man cu a duna nos pa asina nos logra fortifica e prome liña di cuido na Aruba.”

























E momento simbolico di cortamento di cinta a tuma luga despues di e diferente palabranan cu a hiba pa tur esnan presente y tur invitadonan por a drenta y cera conoci cu e bunita establecimiento nobo di Cas di Dokter Piedra Plat.

Hunta di Directiva di HOH ta gradici tur esnan cu a haci cu apertura y servicio aki por a bira un realidad, cuminsando na Ministerio di Turismo y Salud Publico, OE AZV cu a percura pa financia e Cas di Dokter, Hunta di Supervision di HOH, coleganan di Cas di Dokter pa e sosten y na e coleganan di hospital pa aporta grandemente na e

logro aki. Hospital ta haci tur lo posibel pa por brinda mas opcion di cuido posibel pa facilita e pashent. Door di crea mas localidad di Cas di Dokter den otro barionan, ta comparti ekipo, personal y conocimiento, banda di un relacion estrecho cu hospital den caso cu mester brinda cuido medico specialisa y urgente. Siendo e entidad cu mas profesional den cuido den servicio, semper por intercambia di conocimiento y dokter na momento cu ta necesario. Paso manera Sr. Croeze a termina bisando, manera HOH su lema ta indica nos semper t’e y, y awo mas cerca di bo.”

Resultado Sorteo Mei 03			
Cadena Alexander Lottery ta presenta resultado di weganan di suerte			
DIARIO	KORSOU	SUPER4	FLAMINGO
9520	7477	7875	0799
0896	5970	SUPER5	5866
4348	4588	-	8128

MERDIA	ANOCHI																				
 Sorteo # 4285 1978 9930 1219  X2  Sorteo # 4285 0449  FP  Sorteo # 2341 0454  Sorteo # 4285 3393 Aries  Sorteo # 1159 845  X2	 Sorteo # 8258 9782 6898 6232  FP  Sorteo # 7302 3018  X5  Sorteo # 2007 2370  Sorteo # 6061 9888 Virgo  Sorteo # 991 168  X2	 Sorteo # 0 x Jackpot 0 x Match 4+ 0 x Match 4 0 x Afl. 12,00  Sorteo # 6491 0 x Jackpot 6 x Match 4 167 x Afl 8,00  Sorteo # 0 x Jackpot 0 x match 4 0 x Afl. 500,00 0 x Afl 50,00 0 x Afl.15,00   Sorteo #	<table><tr><td>Joker</td><td>Letter</td></tr><tr><td colspan="2">Proximo Jackpot</td></tr><tr><td colspan="2">130.000,-</td></tr></table> <table><tr><td colspan="2">01-03-07-17-27</td></tr><tr><td colspan="2">Proximo Jackpot</td></tr><tr><td colspan="2">53.000,-</td></tr></table> <table><tr><td>Mega Ball</td><td>Proximo Jackpot</td></tr><tr><td colspan="2">700.000,-</td></tr></table> <table><tr><td colspan="2">Afl. 1.000.000,-</td></tr></table> 	Joker	Letter	Proximo Jackpot		130.000,-		01-03-07-17-27		Proximo Jackpot		53.000,-		Mega Ball	Proximo Jackpot	700.000,-		Afl. 1.000.000,-	
Joker	Letter																				
Proximo Jackpot																					
130.000,-																					
01-03-07-17-27																					
Proximo Jackpot																					
53.000,-																					
Mega Ball	Proximo Jackpot																				
700.000,-																					
Afl. 1.000.000,-																					

King Classic Sudoku

3	6			8		4	9	5
2		9		3	5	8	6	1
	8	5		6			3	
4			8		7			3
			6					8
	7		5					6
	1		2			5	8	
	2		4	1			7	
	9		3	5			1	2

Difficulty: ★ 5/20

©2024 King Features Syndicate, Inc.



Cas Di Cultura

Vondellaan 2 Aruba
297-582-1010

F A D A

Campanastraat 5 Aruba
297-583-2999
297-583-9610

F A V I

Primavera 233 Aruba
297-582-5051
297-582-5222

F E P O

Engelandstraat 15 Aruba
297-583-1016
297-583-6607

**Fundacion Contra
Violencia Relacional**
Tel: 583-5400

Fundacion Autismo Aruba

Irenestraat 21 Aruba
297-588-1179

Fundacion Pa Nos Muchanan

Cumana 2 Aruba
297-583-4247

Fundacion Tel Pa Hubentud

Wilhelminastraat 19
Aruba
297-588-6138

Koningin Wilhelmina Fonds

Spinozastraat 9 Aruba
297-582-0412

Mary Joan Foundation
Sabana Blanco 8 Aruba
297-588-9999

Rode Kruis Aruba

Pedro Gallegostraat 14
Tel. 297-582-2219
Fax 588-3376

Famia Planea (SBVO)

Avenida Milio J Croes 17
B Aruba
297-588-9591
www.famiaplanea.org
famiaplanea@hotmail.com

Stichting Fundacion Guia Mi

George Madurostraat 34
297-582-0088

Y M C A

Calbasstraat 1 Aruba
297-582-3072

AL-ANON group

Sabana Liber #8, Noord
(close to the hotels)
Tel: 736-2952 or
593-7081



Dokter na warda

Oranjestad **San Nicolas**
Hospital **Imsan**
7:00 pm / 10:00 pm **24 ora**

Botica na warda

Oranjestad: **San Nicolas:**
Paradera San Lucas
Tel. 588 6638 Tel. 584 5119

EMERGENCIA **911**

POLIS

Oranjestad **100**
San Nicolas **104**
Santa Cruz **105**
Noord **107**
Tip Line **11141**
Brandweer **115**
Ambulance **911**
Hospital **527-4000**
Imsan **524-8833**
Warda Costa **913**
Seguridad Nacional **11911**
Cruz Cora **582-2219**

BOTICA

Aloe **584-4606**
4 Centro Medico **584-5794**
Central **585-1965**
Dakota **588-7364**
Del Pueblo **582-1253**
Eagle **587-9011**
Kibrahacha **583-4908**
Maria **585-8145**
Di Servicio Noord **586-4606**
Oduber **582-1780**
Paradera **588-6638**
San Lucas **584-5119**
San Nicolas **584-5712**
Santa Anna **586-8181**
Santa Cruz **585-8028**
Sero Preto **584-4833**
Trupial **583-8560**

UTILIDAD

Setar **117**
Web **525-4600**
Elmar **523-7147**

FUNERARIA

Aurora **588-6699**
Royal Funeral H. **586-4444**
Ad Patres **584-2299**
Olive Tree **584-8888**

Servicio di Taxi

**Aruba Transfer Tour &
Taxi C.A.**
Tel: 582 2116/582 2010

Taxi Adres Services (24h)
Tel. 587 5900

A1 Taxi Services Aruba
Tel: 587-8850
Tel: 280-2828
Whatsapp: 592-7024

Mayoria estudiante Mericano ta recuperando di atrasonan causa pa pandemia pero miyones ta mirando tiki avance

(AP) - Di un banda di klas, studiantenan ta rondona docente Maria Fletcher y ta practica nan vocalnan. Den otro skina, muchanan ta lesa hunto for di un buki. Alrededor di e klas, tin studiantenan cu ta sinta cu computernan y ta ricibi ayudo pa lesa di docentenan online.

Pa muchanan den 3rde klas na Mount Vernon Community School na Virginia, e ta un dia escolar ordinario. Sinembargo educadornan ta luchando pa e muchanan siña mas, lihe y pa surpasa e atrasonan cu a persisti desde cu scolnan a cera a causa di e pandemia di Covid-19 4 aña atras.

Scolnan Mericano a cuminsa haci progreso den direccion di logra cu e studiantenan bay 'back on track'. Sinembargo e mehoracion ta poco poco y no ta mescos den status geografico y economico, cu miyones di estudiante, hopi biaha esunnan di gruponan marginalisa, haciendo tiki avance.

Nacionalmente, studiantenan a logra recupera un tercer parti di nan perdanan den e pandemia den matematica durante e ultimo aña escolar y un kwart di e perdidanan den lesamento,



segun Education Recovery Scorecard, un analisis di e puntuacionnan den testnan nacional y estatal cu investigadornan na Harvard y Stanford ta haci.

Sinembargo den 9 estado, incluyendo Virginia, e puntuacionnan a keda cay y ta sigui cay durante ana escolar di 2022 pa 2023 despues di varios disminucion durante e pandemia.

Poniendo presion riba e recuperacion ta un crisis fi-

nanciero. Estadonan a usa placa for di e 190 biyon dollar historico den fondo federal pa alivio di pandemia pa por yuda e studiantenan, pero e placa aki ta caba den e aña aki.

"E recuperacion te ainda no a caba y no lo caba sin accion estatal," Thomas Kane, un economista di Harvard a comenta. "Estadonan mester cuminsa plania pa kico nan lo haci ora e placa federal caba den september. Y mi ta kere tiki estado a cuminsa e dialogo aki."

Pronostico di tempo

Tempo:

Awe tardi y awe nochi: parcialmente nubia y seco
Den marduga y mañan: parcialmente nubia y generalmente seco

Temperatura maximo 34 grado Celsius
Temperatura minimo 28 grado Celsius
Indice di calor (heat index) den y rond di oranan di merdia: 35 pa 39 grado Celsius
Uv index: 12

Bahada di solo: 7:02pm
Subida di solo: 6:13am

Biento:

Moder for di direccion oost-noordoost te oost-zuidoost; forsa 3 te 4 (12 te 30 km/ora, 7 te 16 nudo).
Durante di dia basta fuerte te fuerte den rafaga; forsa 5 te 6 (31 te 50 km/ora, 17 te 27 nudo)

Situacion general di tempo: Na e momentonan aki no tin disturbio di importancia pa weer local. Un proximo



ola tropical lo drenta area di Caribe diadomingo y lo pasa den region bay west den curso di dialuna pa diamars. E sistema aki lo trece humedad den region cu lo bay haci e chensnan pa awasero mas grandi.

Mas aleu por bisa cu stof di Sahara den concentracionnan varia lo stroba visibilidad un poco y trece aire di calidad abou. Personanan cu tin problemanan alergico y tambe respiratorio mester tene cuenta cu esaki. Den proximo 24 pa 36 ora e stof aki lo sali for di region local.

CLASIFICADO

TA BUSCA

Graphics Services by Eloy
ta busca

"Technicus Digitale Prepress"
por yama na Tel. 742 9338

217838

TIN MESTER

Fantastic Gardens
Aruba N.V.
tin mester di

Tuinvrouw.

Pasa personalmente jena un aplicashon.

TA BUSCA

Alucas Windows and Doors
ta busca

Aluminium Fabricator
por yama na Tel. 585 5510

217841

TA BUSCA

C-Mart Supercenter
ta busca

Producer Clerk

Por yama
597 9858 pa aplica

217832

Aurora


Royal Pray

Funeral Home & Crematory

Cumana # 76 & # 44/ van Speyckstraat # 1
Oranjestad, Aruba
Telephone: (297) 588-6699
E-mail: info@aurorafuneralaruba.com

“Señor ta mi wardador, mi’n tin falta di nada
Den cunucu di yerba berde e ta ponemi sosega.
E ta hibami na awa trankil,
Pa mi bolbe haña forsa.”
Salmo: 23

Cu honda pena y dolor na nos curason pero conforme
cu boluntad di Dios nos ta anuncia fayecimento di nos
Tata, Ruman y Omo



José Francisco Figaroa
Mihor conoci como: “Jossy”
*05-03-1951 - †29-05-2024

Mayornan: †Aloysius y †Juanita Figaroa
Esposa: †Cassandra (Sandra) Figaroa-Pietersz

Na number di su:
Yiu: **Hosé Francisco (Joselito)**
Figaroa y Yulaika (Julie) Cristina y famia

Suegro (a): †Eddy Henry (Dijis) y †Rosa
Angelica (Chichi) Pietersz-Croes

Rumannan: Theresita Figaroa
Vda. Filomena Wever-Figaroa y †Luwi Wever
†Bernadeta Figaroa
†Maria y †Antonio Marin-
Figaroa

Swanan: †Errol y †Silvia Pietersz-Dirksz y famia
†Edsel y Elly Pietersz-Vrolijk y famia
Marlon y Rosalina Pietersz-Farro y famia

Omo: Urbano Figaroa y Lelia y famia

Iha: Romar Dijkhoff
Amiga di cas: Astrid Colina y famia

Sobrin(a)nan: Shirley Giel y famia, Mildred Giel y
Maricella Dijkhoff y famia, †Roland (Paul) Giel y famia,
Robert Wever y famia, Angelique Wever y famia, Soraida
Wever, Omar Maldonado y famia, Omayra Maldonado y
famia

Primo y primanan, comer y compernan, Pastoornan; Pastoor
Santiago, Pastoor Daniel, Pastoor Jan, Pastoor Toti, amigo y
amiganan di Parokia, colaboradornan di Kapel di Alto Vista,
coperadornan Ministro de Eucaristia di Paroka Santa Anna
na Noord, ex-coleganan di LAGO, Holiday Inn, Divi Divi
Tamarijn, Divi Resorts y Do It Center

Ayudante na cas: Lisbeth Reyes y Jarmilia (Chichie)
Flanegin

Famia: Figaroa, Pietersz, Croes, Giel, Wever, Dijkhoff,
Maldonado, Roga, Semeleer, Gei, Thiel, Kelly, Tromp,
Dirksz, Vrolijk, Farro, de Cuba, Franken, Curret, Daal

Oportunidad pa condolencia: Aurora Funeral Home,
diahuebs 6 di juni 2024 di 7:00 pa 9:00 pm

Ta invita pa e acto di entierro cu lo tuma lugar diabierna 7 di
juni 2024 na misa Santa Anna di 2:00 pa 4:00 pm, despues lo
sali pa Santana catolico na Noord. Ta pasa Kapel di Alto Vista
y cas prome cu bay misa.

Enbes di flor of krans lo tin un box disponibel den misa pa
por hasi un donacion pa cu gastonan di entierro di Hosé.

Nos ta lamenta cu despues di entierro nos no por ricibi bishita
di condolencia na cas.

Aurora

Royal Pray

Funeral Home & Crematory

Cumana # 76 & # 44/ van Speyckstraat # 1
Oranjestad, Aruba
Telephone: (297) 588-6699
E-mail: info@aurorafuneralaruba.com

Señor ta mi wardador, lo mi no tin falta di nada.
Den cunucu di yerba berde e ta ponemi sosega.
E ta hibami na awa trankil, pa mi bolbe haña forsa.”
Salmo :23

Cu dolor na nos curason pero conforme cu boluntad
di Dios nos ta participa fayecimento di nos Mama y
Oma stima:



Maria Antonia Kelly-Ruiz
*01-01-1929 - †02-06-2024

Esposu: †Thomas Aquino Kelly

Na number di su:
Yiunan:
Neville Kelly
Astrid Kelly
Armando y Glenda Kelly

Nietonan:
Tyronn y Jeanmichel

Ayudante y amiga:
Sra. Edilia Betancourt

Cuñanan:
Barbara Young y Famia
Josefa Bareño y Famia
Anna Muñoz

Primonan y Primanan stima como ruman

Famia Ruiz, Kelly y demas famia y conocirnan.

Despedida lo tuma lugar na Misa St. Anna na
Noord, diaranson juni 5, 2024 for di 1:00 pa
4:00pm, despues lo sali pa Santana catolico na
Noord.

Despues di entierro nos no por ricibi bishita di
condolencia na cas.

Aurora

Royal Pray

Funeral Home & Crematory

Cumana # 76 & # 44/ van Speyckstraat # 1
Oranjestad, Aruba
Telephone: (297) 588-6699
E-mail: info@aurorafuneralaruba.com

“Señor ta mi wardador, mi’n tin falta di nada
Den cunucu di yerba berde e ta ponemi sosega.
E ta hibami na awa trankil,
Pa mi bolbe haña forsa.”
Salmo: 23



Orlando Edwin Quandus
*14-06-1961 - †31-05-2024

Acto di entierro lo wordo anuncia
despues.

Aurora

Royal Pray

Funeral Home & Crematory

Cumana # 76 & # 44/ van Speyckstraat # 1
Oranjestad, Aruba
Telephone: (297) 588-6699

Mira con Dios a salba mi,
Tur mi confiansa ta den djE,
Mi n’ tin miedo:
Señor Dios ta mi forsa, mi refugio.
E mes t’Esun cu a salba mi.
Isaías 12:2

Cu inmenso tristesa nos ta anuncia
fayecimento di:




Guillermito Ismail
Mihor conoci como “Guillermo of
Mito”
*29-05-1943 - †02-06-2024

Acto di entierro lo wordo anuncia despues





Cu dolor na nos curason pero conforme cu DIOS Su voluntad,
nos ta participa fayecimento di nos Mama, Wela y Bisa-wela



Sra. Maria Mathilda Maduro
21-09-1933- +30-05-2024

Na nomber di su yiunan:
Howard y Jose
Venetia y Rene
Karina y Karel
Jennie y Elvis
Alexander

Nietonan:
Kathy y famia
Kevin
Chirstopher
Stephany y famia
Nataniel

Bisa nietonan:
Brandon y Faith

E defunto su rumanan
Maria
Olga y famia
Carmen y famia
Cicilia y famia

Sobrinonan y sobrinanan
Primo y primanan

Ta invita tur famia y conocirnan na e **acto di entierro** cu lo
tuma lugar **diaranson 5 juni 2024**, for di 2or pa 4or atardi na
Aurora Funeral Home.

Cremacion lo tuma lugar despues den seno familiar.


No ta acepta bishita di condolencia na cas despues di entierro.



Aurora
Royal Pray
Funeral Home & Crematory

“Amor y fielded ta topa, husticia y paz ta brasa otro;
Fieldad ta brota for di tera y husticia ta baha for di cielo.
Husticia lo bai dilanti y paz lo sigui den su paso.”
Ps. 85:10,11,13

Cu inmenso tristesa na nos curason, pero conforme cu
boluntad di Dios, nos ta participa fayecimento di:




Mario Rudolf Danies
Mihor conoci como “Dodo of Dodois”
*08-10-1957 - †03-06-2024

Acto di despedida lo wordo anuncia despues



“Dios ta amor... y amor ta Dios, Maske mi no
ta na e mundo aki, Tur dia lo mi ta banda di
boso curason, Mi por stens di loke Señor ta
haci”
Salmo 33

Cu inmenso dolor na nos curason, nos ta anuncia
fayecimento di nos ser stima:



Sra. Martilia Rosaura Vrolijk-Croes
*11-12-1934 - †30-05-2024
Viuda di †Timoteo (Eti) Vrolijk
Carinosamente yama Machi of Aura

Na nomber di su yiunan:
Sixto y Cristina Vrolijk Croes
Leo y Adeline (Chelley)Vrolijk-Krosendijk
Lino Vrolijk
Maria Vrolijk y Herry Rosel
Annie Vrolijk
Eta y Wilfrido Thiel-Vrolijk
Jane y Denchi Werleman-Vrolijk
Eli Vrolijk

Manera Yiu:
Zulai y Greg York-Arends

Su Ruman:
Sra. Vda. Ebia Maduro Croes y famia

Swa y Cuñanan:
Sra. Vda. Maxima Croes-Maduro y famia
Eusebio (Teofilo) y Olga Vrolijk-Kock y famia
Juan Ireño (Ene) y Chita Vrolijk-Farro y famia
Susana y Nicolas Tromp-Vrolijk y famia
Tomas (Tinchí) y Marjorie Vrolijk-Kock y famia
Norma y Maiky Croes-Vrolijk y famia
Sra. Vda. Maria Vrolijk-Croes y famia

Tanta: Sra. Vda. Rosa Croes-Croes

Con suegro y Con suesra nan:
Sra. Olga Maduro
Sra. Vda. Sebastiana Thiel-Kock y Famia
Sr. Benito Croes

Su Nieto y Nietanan:
Denrick Werleman y Sayenne Boekhoudt. †Adelizah Vrolijk, Randall Geerman, Janelle y Jayson Geerman-Werleman,
Jeremy Vrolijk y Miguelangela Koolman, Marielle y Lionel Wever-Geerman. Edward Thiel y Eileen Koolman, Andrew
Vrolijk, Edmee Thiel y Luis Riley, Juryane Geerman, Hilyann Croes y Anfernee Emerenciana, Edselin Thiel, Kenneth y
Dominika Vrolijk-Sýkorová, Keyli Vrolijk, Denver Werleman y Nathania Riley, Sixto T. Vrolijk. Clydeson Correa.

Manera Nieto y Nietan an:
Zuriah Flemming, Cloë Johnson, Tianni Johnson, Gavin York, Aliyah York

Su Bisanieta y Bisanietan:
Denzel Werleman, Reghell Koolman, Jayelleson Geerman, Jerson Vrolijk, Reghan Koolman, John-Maynard Wever,
Reginald (R.J.) Koolman, Nishant Toledo Thiel. A'dreon Vrolijk, Jayselle Geerman, Ellizienne Riley, John Maximus
Wever, Everlyn Thiel, A'drian Vrolijk, Zayden Werleman, Emi-lienne Riley, Denvion Werleman, Everd Thiel, Zyric
Werleman, m Jayslee Geerman, Naleyna Werleman, Valenlina Vrolijk, Jaydi Geerman.

Ayudantenan di cas: Miladis Miranda Ochoa, Mimi Garrido, Martha Hernandez Mosquera, Minerva Maduro Rodri-
guez Robelt

Sobrino y sobrinanan. primo y primanan. ihanan, comer y compernan. bisifla y conocinan.

Demas famia na Aruba, Venezuela, Merca, Slovakia y Hulanda: Vrolijk, Croes, Maduro, Krosendijk, Werleman,
Thiel, Rosel, York, Arends, Boekhoudt, Geerman, Wever, Koolman, Riley, Emerenciana. Sýkorová, Correa, Flemming,
Fraser, Johnson, Toledo, Rasmijn, Rasmey, Tromp, Winterdaal, Farro, Kock, Dijkhoff, Dirksz, Dabian, Albertsz, Van
Poppel.

Ta invita tur famia y conocinan pa asisti na e acto di entierro cu lo tuma luga Diamars 4 Juni 2024 for di 2'or pa 4'or di atardi
na Misa Inmaculada Concepcion na Santa Cruz y despues pa Santana Catofico Santa Maria na Santa Cruz.

Trump ta recauda \$141 miyon na mei, reforsa pa veredicto culpable

(AP) — Campaña di Donald Trump y Comité Nacional Republicano ta bisa cu nan a recauda \$141 miyon na mei, un logro enorme di fundraising cu ta inclui decenas di miyones di dolar recauda despues di su veredicto culpable den su huicio criminal pa pago pa silencio.

Campaña di Trump no ta rekeri pa revela publicamente su fundraising na Comision Federal di Eleccion te mas laat e luna aki. Pero su decision pa publica e cifranan trempa ta subraya con e ta mira e ola di contribucion como evidencia cu e veredicto diahuebs ultimo a hinca energia den e sostenedornan di e ex-presidente y como un señal cu esaki no ta bay afecta su esfuersonan pa bolbe Cas Blanco.

Campaña di presidente Joe Biden ainda mester publica su cantidad total di fundraising pa mei. Trump y Partido Republicano a reporta cu a recauda \$76 miyon na april, superando e mas di \$51 miyon reporta pa Biden y Comité



Nacional Demócrata e luna ey pa prome biaha.

No ta cla con hopi Trump y e Republicanonan a gasta na mei. Pero e suma por yuda nan cera e gap di placa cu Biden, cu a persisti durante e campaña.

Campaña di Trump a bisa den

un comunicado di prensa ayera cu a ricibi mas cu dos miyon donacion den luna di mei, pa un averahe di \$70.27. Mas cu un tercer parti di esaki – 37.6% – a bin den forma di contribucionnan online den e 24 ora despues cu a anuncia e veredicto.

Como un cuarta parti di e donadornan, a bisa, tabata nobo pa e campaña.

“Nos ta conmovi pa e despliegue di sosten pa presidente Donald J. Trump. Pueblo Mericano a mira door di e huicio manipula di e corrupto Joe Biden, y a manda Biden y

e Democratanan un mensahe poderoso – e BERDADERO veredicto ta bin dia 5 di november,” conseheronan senior di campaña di Trump, Chris LaCivita y Susie Wiles a bisa den un declaracion.

Vocero di campaña di Biden, Ammar Moussa a bisa cu e campaña lo “mira con e numbernan realmente ta resulta” ora nan keda reporta oficialmente, pero a bisa cu “un cos ta cierto: amigonan biyonario di Trump ta reforsando e campaña di un corrupto ‘white collar’ pasobra nan sa e deal – nan ta dun’e checks y e ta baha nan impuesto mientras pueblo trahador y e clase medio ta paga.”

Campaña di Trump a anuncia siman pasa cu a recauda mas di \$50 miyon online den e 24 ora despues cu un hurado na Manhattan a anuncia su veredicto, haciendo Trump e prome ex-presidente – y prome nominado presunto di un partido mayor – den historia di e nacion pa keda condena cu un crimen.

Sentencia ta bay ta dia 11 di juli.

Muchanan Frances ta ricibi veteranonan di D-Day como heroe mientras nan a yega Normandy pa eventonan di aniversario

(AP) — “Na nos heroenan eterno: Danki” – esey tabata e palabra inscribi pa muchanan Frances riba un poster grandi pa ricibi decenas di veterano Mericano di Segundo Guerra Mundial, hopi di nan den nan 100 añanan di edad, mientras nan a yega ayera na Normandy pa conmemora e di 80 aniversario di e aterisahanan D-Day.

Prome dama Frances, Brigitte Macron y oficialnan top a topa e 48 veterano for di rond Merca mientras nan a yega aeropuerto Deauville-Normandy abordo di un vuelo special for di Atlanta, un biahe organisa pa organizacion non-profit, Best Defense Foundation.

Muchanan di scolnan local a tene e poster, y a canta himnonan nacional di Francia y Merca.

“Bon bini na Francia,” Brigitte Macron a bisa na Ingles, expresando su “respet profundo” y “amor di mas profundo” pa e veteranonan.



“Boso a lucha pa nos libertad. Boso semper a dicidi pa educa e generacion mas hoben pa nos nunca lubida. Danki pa boso compromiso, danki pa e sacrificionan cu boso a haci.”

Entre e veteranonan tabatin Jake Larson, un Mericano di 101 aña di edad miho conoci riba rednan social bao e nomber “Papa Jake”. El a join e guardia nacional tempo e tabatin 15 aña di edad, pa placa, y a aterisa riba Omaha Beach riba D-Day, unda el a cay bao candela di machine-gun y a logra yega e klifnan sin resulta herida. “Mi ta e homber cu mas suerte na mundo,” Lar-

son a bisa mientras el a yega Normandy pa conmemoracionnan di D-Day. Papa Jake tin mas di 800mil siguidor riba TikTok.

Despues di e aterisahe, Larson ta recorda cu el a drumi cerca di un comarada kende a pone su rifle na su banda. “Mainta, ora nos a lanta, el a saca su rifle for di mi espacio unda mi tabata bay drumi, y el a cay den otro. Un pida metralla a cay y a dal e rifle y kibr’e den dos pida,” el a bisa.

Bob Gibson, 100, a keda recluta den ehercito na 1943 y manda na Reino Uni. Dia 6

di juni 1944, Bob y su unidad a aterisa na Utah Beach den segundo ola di aterisahanan Aliado. E ta record’e “como si el a sucede ayera.” Na su yegada na aeropuerto Deauville, el a bisa “mi kier mira e beach atrobe.”

E veteranonan ta bay participa den parada, bishita scolnan y ceremonia – incluyendo e conmemoracion oficial dia 6 di juni di e aterisahanan di soldadnan for di Merca, Reino Uni, Canada y otro nacionnan Aliado riba cinco beach.

E biahe tambe ta inclui studi-

antenan di scol secundario y universidad selecta pa escolta e veteranonan y siña di nan experiencianan. Vuelonan charter tambe a transporta e veteranonan di Atlanta na Francia na 2022 y 2023.

Diadomingo, e grupo di veteranonan bistiendo jacket personalisa conmemorando e aniversario a yega aeropuerto di Atlanta, ricibi pa aplauso di e tripulacion di e avion, y e banda di Dutchtown High School for di Hampton, Georgia. E veteranonan a ser guia door di e aeropuerto na nan terminal den un parada dirigi pa e banda.



Polonia a detene 18 persona acusa di plania actonan hostil di parti di Rusia y Belarus

(AP) - Polonia a aresta 18 persona bao acusacion di plania actividadnan hostil of un sabotaje di parti di Rusia y Belarus, incluyendo plan pa asesina Ucrania su president Volodymyr Zelenskyy, e minister di interior a bisa dialuna.

10 di e personanan deteni desde december tabata directamente involucra den plania varios forma di sabotaje na Polonia, Minister di Interior Tomasz Siemoniak a expresa na un conferencia di prensa.

Autoridadnan di Polonia a conecta algun crimen recien y intento di crimen na

agentenan cu sponsor Ruso. Nacionalnan di Polonia, Belarusia y Ucrania ta entre e personanan deteni den e lunanan recien, segun Internal Security Agency su comunicadonan.

Un homber di Polonia a ser deteni den april a causa di acusacionnan di ta cla pa ehecuta spionahe pa Rusia su inteligencia militar den un supuesto plan pa asesina Zelenskyy, fiscalnan Polaco a bisa. E homber aparentemente tabata buscando manera di tin contacto cu Rusonan directamente involucra den e guerra na Ucrania y ta sospecha cu el a duna informacion detaya tocante aeropuerto strategico

Rzeszow-Jasionka Airport na Polonia, cual ta cerca di e frontera cu Ucrania.

Siemoniak a bisa cu e actonan di sabotaje tabata aparentemente parti di un plan mas amplio cu tambe ta inclui atakenan cibernetico, pusha migrantenan den Belarus crusa e frontera pa bay Polonia y menasa e seguridad di e pais cu ta sosteniendo Ucrania den contraresta Rusia su invasion.

“Nos no tin duda cu di acuerdo na deseonan di un pais stranhero, Rusia, tin algun persona activo cu ta cla pa menasa e bida, salud y propiedad di e ciudadanonan Polaco



Sur Korea tin plan di anula acuerdo di paz pa castiga Nort Korea

(AP) - Sur Korea a anuncia dialuna cu lo suspende un trato cu Nort Korea pa castiga e pais a causa di su lansamento di blaasnan cargando sushi, hasta despues cu Nort Korea a bisa cu nan lo para nan campaña di blaas.

Durante varios dia, Nort Korea a lansa centenares di blaas cu sushi na Sur Korea como parti di un reaccion na campananan di ciudadanonan Sur Koreano. Riba diadomingo, Sur Korea a bisa cu nan lo tuma “accion insoportabel” como su respuesta, prome cu Nort Korea a anuncia cu nan lo stop di manda blaas na e frontera.

Riba dialuna, Sur Korea su consejo di seguridad nacional presidencial a bisa cu nan a dicidi di suspende un acuerdo inter-Koreano di aña 2018 cu tin e meta di alivia enemistad, te ora cu e confianza mutuo entre e dos Koreanan keda restaura, segun e oficina presidencial.

E consejo di seguridad a bisa cu e suspension lo permiti Sur Korea sigui cu simulacionan militar na e frontera cu Nort Korea y ehecuta respuestanan efectivo y inmediato na provocacionnan di Nort Korea. El a bisa cu un proposicion pa e suspension lo keda introduci na e Consejo di Gabinete riba diamars pa aprobacion. Observadornan ta bisa cu Sur

Korea tin mester di e suspension di e trato pa bolbe cuminsa pasa propaganda anti-Pyongyang, canticanan di K-pop y noticia na e frontera cu speaker. Nan ta bisa cu e tipo di accion aki anteriormente a molesta e pais cu control estricto, unda su casi 26 milyon persona no ta permiti tin acceso oficial na noticia di exterior.

E acuerdo di ana 2018, cual a ser yega durante un periodo breve di reconciliacion entre e president Sur Koreano Moon Jae In di e tempo ey y e lider Nort Koreano Kim Jong Un, ta rekeri e Koreanan para tur acto hostil contra otro, incluyendo campananan di parti flyer y broadcast.

Sin embargo e acuerdo no ta claramente especifica cu e ciudadanonan no por plania esaki. Esaki a permiti e activistanan di Sur Korea sigui manda blaas cu flyer anti-Pyongyang, SB cu programanan di Sur Korea y noticia internacional ademas di dolar Mericano na Nort Korea. Disgusta a causa di e campananan aki, Nort Korea a dispara e blaasnan drentando y a destrui un oficina crea pa Sur Korea pa trata asuntonan inter-Koreano na Nort Korea.

E trato ya caba tabata den peliger di collapse. Tension a aumenta despues cu Nort Korea a lansa satelite den november, cual a provoca cu ambos Korea a tuma paso

den violacion di e trato, Sur Korea cuminsando bek su vigilancia aereo y Nort Korea restaurando e posicion di guardianan na e frontera.

Desde diamars ultimo, un total di 1,000 blaas Nort Koreano cargando pupu, sigaria, paña kibra y otro tiponan di sushi a ser descubri den varios parti di Sur Korea. No a haya ningun substancia dañino segun Sur Korea su ehercito.

Riba diadomingo anochi, Kim Kang Il, Nort Korea su vice minister di defensa a bisa cu e pais lo stop e campaña pa motibo cu nan ta sinti cu Sur Koreanonan a “experiencia lo suficiente con desagradabel nan a sinti.” El a bisa cu Nort Korea lo cuminsa e campaña back si e activistanan di Sur Korea bolbe cuminsa cu nan actividadnan di blaas.

Expertonan ta bisa cu Nort Korea su campaña, aparentemente e prome di su tipo den 7 aña, tin e meta di causa un division na Sur Korea a causa di su gobierno conservativo actual su politica estricto contra Nort Korea. Desde 2022, Nort Korea a dramáticamente aumenta su testnan di arma den loke analistanan ta yama un intento di mejora su capacidad nuclear y aumenta su peso den relacionnan diplomatico den futuro cu Merca.

